



非他人也。

⑤ 斃同斃，音戾（ㄌㄨˋ），罪也。新造斃猶自稱新獲罪之臣也，勃蘇晝吟宵哭於秦庭，自

以爲罪，故稱。

⑥ 凡與貴者言，更端則起，秦王見其德，令勿起。

⑦ 子滿子虎皆秦大夫，子滿，左傳作

子蒲。

⑧ 濁水，源出山西解縣東北平地。

⑨ 聞，或謂門之訛，遂浦，楚地。

吳與楚戰於柏舉，三戰入郢，君王身出，大夫悉屬，百姓離散，蒙穀給鬪於宮唐之上，① 舍鬪奔郢曰：「若有孤，② 楚國社稷其庶幾乎。」遂入大宮，負雞次之典以浮於江，③ 逃於雲夢之中，④ 昭王反郢，五官失法，百姓昏亂，蒙穀獻典，五官得法而百姓大治，〔此〕比蒙穀之功多，與存國相若，⑤ 封之執圭，田六百畝，蒙穀怒曰：「穀非人臣，社稷之臣，苟社稷血食，餘豈悉無君乎？⑥ 遂自棄於磨山之中，⑦ 至今無冒，⑧ 故不爲爵勸，不爲祿勉，以憂社稷者，蒙穀是也。」

① 蒙穀，楚人，給備也。宮，唐楚地，疑卽高唐。

② 時昭王奔隨，未知生死，故云若有孤，謂或有孤子也。

③ 雞，一作離；國法之散失其次者，故曰離次。是時典守者皆離其局，故負其失次之典以逃。

④ 雲夢，

見江乙說於安陵君章註。

⑤ 謂比校其功，與存國之功相等。

⑥ 餘，一作余，一作思。

⑦ 磨山，今

湖北當陽縣有磨城，磨一作歷。④無冒，猶言無失；一說無冒無位也；或又謂冒當爲胃字之誤，無胃，謂子孫無在位者。

王乃大息曰：『此古之人也，今之人焉能有之耶！』莫敖子華對曰：『昔者先君靈王好小要，①楚士約食，②馮而能立，③式而能起，④食之可欲，忍而不入，死之可惡，然而不避，⑤章聞之，⑥「其君好發者，其臣挾拾。」⑦君王直不好，若君王誠好賢，此五臣者，皆可得而致之。』

①靈王名圉，要同腰。②約食，節食也。③馮，同憑，倚也。④式，猶憑也，古車前有橫木，有所敬則俯

憑之，謂之式。⑤然是之也。⑥章，一作華。⑦挾，以象骨爲之，著於右手大指，所以鈎弦。拾，以皮爲

之，著於左臂。

### 楚懷王拘張儀章

楚懷王①拘張儀，將欲殺之，②靳尚爲儀謂楚王③曰：『拘張儀，秦王必怒，

④天下見楚之無秦也，楚必輕矣。』又謂王之幸夫人鄭襄⑤曰：『子亦自知且賤於王乎？』⑥鄭襄曰：『何也？』尚曰：『張儀者，秦王之忠信有功臣也，今楚拘之，秦王欲出之，秦王有愛女而美，又簡擇宮中佳（翫）麗好翫習音者，⑦以權從之，⑧資之金玉寶器，奉以上庸六縣爲湯沐邑，⑨欲因張儀內之楚王，楚王必愛秦女，依強秦以爲重，挾寶地以爲資，勢爲王妻以臨于楚，王惑於虞樂⑩，必厚尊敬親愛之而忘子，子益賤而日疏矣。』鄭襄曰：『願委之於公，爲之奈何？』曰：『子不急言王出張子，張子得出，德子無已時，秦女必不來，而秦必重子，子內擅楚之貴，外結秦之交，畜張子以爲用，子之子孫，必爲楚太子矣，此非布衣之利也。』鄭襄遽說楚王出張子。

①楚懷王名槐。

②懷王以儀欺楚以商於故，願得儀而獻黔中，秦王欲遣之，口勿忍言，儀以善楚，靳尚又得事鄭襄，襄所言，楚王皆從之，遂請使楚，楚王因拘而欲殺之，時在周赧王四年，楚懷王十八

年。

③靳尚，懷王嬖臣，與儀相善。

④秦王昭王稷。

⑤襄，與袖同，鄭襄，懷王寵姬，鄭國之女，多美而

善舞，鄭裒當善舞，故名裒，裒者，所以舞也。

④且將也。言將爲懷王所賤視也。

⑤言美女之可好可

翫習於音聲者。

⑥以權從之謂媵也，言令從之以權其女。

⑦上庸見秦策秦武王謂甘茂章註。湯

沐邑以其邑之所入，爲其湯沐之資，自天子至封君皆有之，有則不復領公家之費，然非周之故制也。

⑧虞同媿。

### 張儀爲秦破從連橫章

張儀爲秦破從連橫，說楚王曰：『秦地半天下，兵敵四國，被山帶河，四塞以爲固，虎賁之士百餘萬，車千乘，騎萬疋，粟如丘山，法令旣明，士卒安難樂死，主嚴以明，將知以武，雖無出兵甲，席卷常山之險，折天下之脊，天下後服者先亡。且夫爲從者，無以異於驅羣羊而攻猛虎也，夫虎之與羊，不格明矣，今大王不與猛虎而與羣羊，竊以爲大王之計過矣！凡天下強國，非秦而楚，非楚而秦，兩國敵侷交爭，其勢不兩立，而大王不與秦，秦下甲兵據宜陽，韓之上地不通，

①下河東，②取成臯，③韓必入臣於秦，韓入臣，魏則從風而動，秦攻楚之西，韓魏攻其北，社稷豈得無危哉！且夫約從者，聚羣弱而攻至強也，夫以弱攻強，不料敵而輕戰，國貧而驟舉兵，此危亡之術也，臣聞之：「兵不如者，勿與挑戰，粟不如者，勿與持久。」夫從人者，④飾辯虛辭，高主之節行，言其利而不言其害，卒有〔楚〕秦禍，無及爲已，是故願大王之熟計之也！

○楚王懷王也。張儀說楚王，在周赧王四年，楚懷王十八年。○四國，四方之國。○虎賁，勇力之士，

言如猛虎之奔，狀其勇也。○卷，與捲同。席卷，言收取之如捲席之易也。常山，卽恆山，劉向避漢文帝

諱改，五嶽之北嶽，在今河北曲陽縣西北，與太行山相連，故曰折天下之脊。○自凡天下強國至此

而字二十五字，或謂係從人語，與下文義不貫，疑衍。○宜陽，見秦策秦武王謂甘茂章註。○上地，

上流之地；一說，上黨地。○山西境內黃河以東地，戰國時統稱河東。○成臯，見秦策范雎至章註。

○從人，謂蘇秦輩。

秦西有巴蜀，方船積粟，○起於汶山，○循江而下，至郢三千餘里，舫船載卒，

①一舫載五十人，與三月之糧，下水而浮。②一日行三百餘里，里數雖多，不費馬汗之勞，不至十日而距扞關。③扞關驚，則從竟陵。④已東，盡城守矣。黔中巫郡。⑤非王之有已。秦舉甲出之武關，⑥南面而攻，則北地絕。⑦秦兵之攻楚也，危難在三月之內，而楚恃諸侯之救，在半歲之外，此其勢不相及也。夫恃弱國之救，而忘強秦之禍，此臣之所以爲大王之患也。且大王嘗與吳人五戰，三勝而亡之。⑧陳卒盡矣。⑨「有偏」徧守新城而居民苦矣。⑩臣聞之：「攻」功大者易危，而民弊者怨以上。」夫守易危之功，而逆強秦之心，臣竊爲大王危之！

①方船兩舟相並也。

②汝山卽岷山，在今四川松潘縣北，禹導江於此。

③舫與方通。

④下水而

浮，猶言浮水而下。

⑤扞關楚關，在巫郡上游。

⑥竟陵見秦策頃襄王二十年章註。

⑦黔中見秦

策蘇秦始將連橫章註。巫郡見蘇秦爲趙合從說楚章註。

⑧武關見蘇秦爲趙合從說楚章註。

⑨

北地北境之地，與韓魏接壤處。

⑩時吳早屬楚，吳字疑誤。

⑪陳卒舊卒。

⑫新城新得吳地之城。

其民未服，故徧守之。

且夫秦之所以不出甲於函谷關十五年以攻諸侯者，陰謀有吞天下之心也。○楚嘗與秦構難，戰於漢中，楚人不勝，通侯執珪死者七十餘人，遂亡漢中。○楚王大怒，興師襲秦，戰於藍田，又郤。○此所謂兩虎相搏者也。夫秦楚相弊，而韓魏以全制其後，計無過於此者矣。是故願大王熟計之也。秦下兵攻衛陽晉，○必〔開〕肩天下之匈，○大王悉起兵以攻宋，不至數月而宋可舉，舉宋而東指，則泗上十二諸侯，○盡王之有已。凡天下所信約從親堅者，蘇秦封爲武安君而相燕，○卽陰與燕王○謀破齊，共分其地，乃佯有罪出走入齊，齊王○因受而相之，居二年而覺，齊王大怒，車裂蘇秦於市。○夫以一詐僞反覆之蘇秦，而欲經營天下，混一諸侯，其不可成也亦明矣。

○函谷關△△今在今河南靈寶縣南，爲秦要塞。自蘇秦爲從，秦兵不敢出函谷關者十五年。○周赧王三

年，秦取楚漢中地。○楚王，一說當作大王。秦取楚漢中，楚復襲秦，又敗於藍田。藍田故城在今陝西

藍田縣西。○陽晉△△今見齊策蘇秦爲趙合從說齊章註。○匈△△今同胸。以常山爲天下脊，則衛及陽晉當

天下向，是秦晉齊楚之交道也，據之是關天下向，他國不得動也。史記作必大關天下之胸，肩與關同義。

④泗上指淮北之地。十二諸侯約略數之，蓋宋衛鄭魯陳蔡費邾邳任滕薛等，皆近泗水者也。

⑤燕王燕易王。⑥齊王齊宣王。⑦蘇秦為客所刺，請齊王車裂之以取賊，今儀即以異為齊王所車裂立言，特欲以破從約耳。

今秦之與楚也，接境壤界，固形親之國也，大王誠能聽臣，臣請秦太子入質於楚，楚太子入質於秦，請以秦女為大王箕箒之妾，効萬家之都，以為湯沐之邑，長為昆弟之國，終身無相攻擊，臣以為計無便於此者，故敝邑秦王使使臣獻書大王之從車下風，須以決事。

①秦太子名蕩，即武王。②楚太子名橫，即頃襄王。③箒，蠶也。古人謙言嫁女曰侍箕箒，言侍奉洒

掃之事也。④湯沐邑，見前章註。⑤秦王秦惠王，不敢當立，故言下風。

楚王曰：「楚國僻陋，託東海之上，寡人年幼，不習國家之長計，今上客幸教以明制，寡人聞之，敬以國從。」乃遣使車百乘，獻雞駭之犀夜光之璧於

秦王<sup>①</sup>

①楚之東海指自淮口至浙江口言。②通天犀有白理如鏡者，以盛米置羣雞中，雞欲往啄米，至輒驚却，故南人名爲駭雞。

魏王遺楚王美人章

魏王遺楚王美人，<sup>①</sup>楚王說之。夫人鄭褒知王之說新人也，<sup>②</sup>甚愛新人，衣服玩好，擇其所喜而爲之，宮室臥具，擇其所善而爲之，愛之甚於王。王曰：「婦人所以事夫者色也，而妬者其情也，今鄭褒知寡人之說新人也，其愛之甚於寡人，此孝子之所以事親，忠臣之所以事君也。」鄭褒知王以己爲不妬也，因謂新人曰：「王愛子美矣，雖然，惡子之鼻，子爲見王，則必揜子鼻。」新人見王，因揜其鼻。王謂鄭褒曰：「夫新人見寡人，則揜其鼻，何也？」鄭褒曰：「妾知也。」王曰：「雖惡，<sup>③</sup>必言之。」鄭褒曰：「其似惡聞君王之臭也。」王曰：「悍哉！」令劓之，<sup>④</sup>無

使逆命。

①楚王懷王也。

②鄭襄見楚懷王拘張儀章註。

③惡謂事涉醜惡。

④剗古五刑之一，割鼻也。

### 楚襄王爲太子之時章

楚襄王爲太子之時，①質於齊，懷王薨，②太子辭於齊王而歸，③齊王隘之，④『予我東地五百里』，⑤乃歸子，子不予我，不得歸。』太子曰：『臣有傳，請追而問傳。』傳慎子曰：『獻之地所以爲身也，⑥愛地不送死父，不義，臣故曰獻之便。』太子入，致命齊王，⑦曰：『敬獻地五百里。』齊王歸楚太子。

①楚襄王即頃襄王，見秦策頃襄王二十年章註。②懷王入秦，不得歸，以周赧王十九年死於秦。

③齊王閔王也。④隘讀如阮，猶阻也。⑤東地，楚東境近齊之地，又曰下東國，即淮北也。⑥先未

得與商，故言追。⑦地所以爲身，言爲身愛地也。⑧致命，送致命令。

太子歸，卽位爲王，齊使車五十乘來取東地於楚。楚王告慎子曰：『齊使來

求東地爲之奈何？慎子曰：『王明日朝羣臣，皆令獻其計！』

上柱國子良入見，○王曰：『寡人之得求反王墳墓復羣臣歸社稷也，○以東地五百里許齊，齊（令）今使來求地爲之奈何？』子良曰：『王不可不與也，王身出玉聲許強萬乘之齊而不與，則不信，後不可以約結諸侯，請與而復攻之，與之信，攻之武，臣故曰與之。』

○上柱國官名，楚法，覆軍殺將者爲之。子良，楚臣。○反王墳墓，謂歸國葬懷王。復羣臣，復見羣臣也。

子良出，昭常入見，○王曰：『齊使來求東地五百里，爲之奈何？』昭常曰：『不可與也，萬乘者，以地大爲萬乘，今去東地五百里，是去戰國之半也，○有萬乘之號，而無千乘之用也，不可，臣故曰勿與，常請守之。』昭常出，景鯉入見，○王曰：『齊使來求東地五百里，爲之奈何？』景鯉曰：『不可與也，雖然，楚不能獨守，（王身出玉聲許萬乘之強齊也而不與，負不義於天下，楚亦不能獨守）臣請西索救於秦！』

來獻地，今常守之，何如？』子良曰：『臣身受命弊邑之王，是常矯也。』<sup>⑤</sup>王攻之！齊王大興兵攻東地，伐昭常。未涉疆，秦以五十萬臨齊右壤，曰：『夫隘楚太子弗出，不仁；又欲奪之東地五百里，不義；其縮甲則可，<sup>⑥</sup>不然，則願待戰！』齊王恐焉，乃請子良南道楚，<sup>⑦</sup>西使秦，<sup>⑧</sup>解齊患，士卒不用，東地復全。<sup>⑨</sup>

① 典猶職也。主猶守也。

② 且將也。言將與東地共死生，地存則生，地失則死也。

③ 五尺幼童也。六

十老人也。言悉發老幼三十餘萬。

④ 戰則起塵，言願接齊塵，云下者，謙詞，即謂願與齊戰也。

⑤ 矯

謂假託上命也。

⑥ 縮收也。

⑦ 道言也。謂言於楚不攻東地。

⑧ 遣使於秦，言不攻楚。

⑨ 三句記

者之辭。

### 莊辛謂楚襄王章

莊辛謂楚襄王曰：『君王左州侯，右夏侯，輦從鄢陵君與壽陵君，<sup>①</sup>專淫逸侈靡，不顧國政，郢都必危矣。』襄王曰：『先生老悖乎？<sup>②</sup>將以爲楚國祚祥乎？<sup>③</sup>』

④ 莊辛曰：「臣誠見其必然者也，非敢以爲國祇祥也。君王卒幸四子者不衰，

楚國必亡矣。臣請辟於趙。」淹留以觀之。」莊辛去之趙，留五月，秦果舉鄢郢巫

上蔡陳之地。⊗ 襄王流掄於城陽，⊙ 於是使人發騶徵莊辛於趙。⊙ 莊辛曰：「諾。」

① 莊辛，楚莊王之後，以諡爲氏。楚襄王見前章註。⊙ 州，今湖北監利縣。夏，今湖北夏口縣。鄢陵，今河

南鄢陵縣。一說，疑卽安陵。君之安陵，壽陵，未詳。四人皆楚王幸臣。輦從，謂輦出則二人從之。⊙ 悖亂

也。言老而耄亂。⊙ 祇祥，災異之兆。言爲祇祥之言以惑人。⊙ 辟，同避。⊙ 周赧王三十八年，秦拔

楚巫黔中。上蔡陳三字疑衍。時王走陳，上蔡或上庸之誤。赧王三十五年，楚獻上庸地。⊙ 掄，困也。城

陽卽成陽，故城在今河南息縣西北，距陳三百餘里。蓋言自城陽以至陳也。⊙ 前導從騎皆曰騶。

莊辛至，襄王曰：「寡人不能用先生之言，今事至於此，爲之奈何？」莊辛對

曰：「臣聞鄙語曰：『見菟而顧犬，未爲晚也；亡羊而補牢，未爲遲也。』」⊙ 臣聞昔

湯武以百里昌，桀紂以天下亡，今楚國雖小，絕長續短，⊙ 猶以數千里，豈特百里

哉！王獨不見夫蜻蛉乎？⊙ 六足四翼，飛翔乎天地之間，俛啄蚊蚋而食之，⊙ 仰承

甘露而飲之，自以爲無患，與人無爭也；不知夫五尺童子，方將調鈆膠絲，<sup>⑤</sup>加己乎四仞之上，<sup>⑥</sup>而下爲螻蟻食也。

① 楚襄王寵信幸臣而不受莊辛之言，及爲秦所破，乃徵莊辛與計事，故以未遲未晚爲言。 ② 斷其長以補其短。 ③ 蜻蛉，蟲名，卽蜻蜓，一名桑根。 ④ 蠶，蠅類。 ⑤ 調鉛膠絲者，鑄鉛爲小丸，繫絲兩頭，又膠其絲，投之空中也。 ⑥ 上下兩手長七尺曰仞，蜻蛉將啄蚊蠶，身與絲相觸，則兩丸激轉以纏繞之，故云加己乎四仞之上。

蜻蛉其小者也，黃雀因是以俯囓白粒，<sup>①</sup>仰棲茂樹，鼓翅奮翼，自以爲無患，與人無爭也；不知夫公子王孫，左挾彈，右攝丸，將加己乎十仞之上，以其類爲招，<sup>②</sup>晝游乎茂樹，夕調乎酸醎，<sup>③</sup>倏忽之間，墜於公子之手。<sup>④</sup>

① 黃雀小鳥，羽色黃，因仍也。囓，啄也。 ② 羈其同類以招誘之。 ③ 以酸醎調之而爲饌也。 ④ 倏忽，須臾也。或本無此十字，以夕調乎酸醎，旣烹之矣，何又言倏忽之間墜於公子之手乎。

夫雀其小者也，黃鵠<sup>①</sup>因是以游於江海，淹乎大沼，俯囓〔鮭〕<sup>②</sup>鱉<sup>③</sup>，仰

嚙陵衡，①奮其六翮而凌清風，飄搖乎高翔，自以爲無患，與人無爭也；不知夫射者方將脩其葺廬，②治其繪繳，③將加己乎百仞之上，「彼」被礚礚，④引微繳，折清風而抃矣，⑤故晝游乎江河，夕調乎鼎鼐。⑥

①黃鶴似雁而大，俗名天鵝，飛翔甚高，鳴聲洪亮。

②鱗讀如盛，魚名。

③陵同菱，衡香草。

④葺讀

如蒲，箭幹，盧黑弓也。

⑤繪，繪之假字，以生絲繫矢而射，繳音酌。

（出又正）生絲縷。

⑥礚，蓋礚之

或體，玉名，礚同礚。

⑦抃同隕。

⑧鼎之大者曰鼐。

夫黃鵠其小者也，蔡「聖」靈侯之事，①因是以南游乎高陂，北陵乎巫山，②飲茹谿流，③食湘波之魚，④左抱幼妾，右擁嬖女，與之馳騁乎高蔡之中，⑤而不以國家爲事，不知夫子發方受命乎「宣」靈王，繫己以朱絲而見之也。⑥

①蔡靈侯名般。

②巫山見秦策蘇秦始將連橫註章。

③飲，飲馬也。茹谿，巫山之谿，在今四川巫山

縣城北，言飲馬於茹谿之流也。

④湘，水名，源出廣西靈川縣陽海山，入今湖南，注於洞庭湖。

⑤高

蔡，卽上蔡，見秦策頃襄王二十年章註。

⑥子發，楚大夫，左傳史記並作公子棄疾，靈王，楚靈王，名圍。

春秋昭公十一年，楚子誘蔡侯般，殺之於申，蓋使子發召之。繫以朱絲執之也。見之見於楚王。

蔡（聖）靈侯之事，其小者也。君王之事，因是以左州侯、右夏侯、輩從鄢陵君與壽陵君，飯封祿之粟，而載方府之金，與之馳騁乎雲夢之中，而不以天下國家爲事，不知夫穰侯方受命乎秦王，填郢塞之內而投己乎郢塞之外。穰王聞之，顏色變作，身體戰慄，於是乃以執珪而授之爲陽陵君，與淮北之地也。

① 封祿所封之祿也。

② 方府之金，四方所貢入於府庫之金也。

③ 雲夢，見江乙說於安陵君章註。

④ 穰侯，見秦策范雎至章註。秦王昭王也。

⑤ 填塞也，謂取其地而塞之，使不得與諸侯通。郢塞，卽

郢陬塞，在今河南信陽縣東南。白起破郢鄢，燒夷陵，在郢塞之南，故曰內。楚王出亡，東北保於陳，在郢

塞之北，故曰外。陽陵君，莊辛封號。與淮北云云，疑有誤。新序曰：「身體悼慄，曰：『謹受命。』」

乃封莊辛爲成陵君，而用計焉，與舉淮北之地。」

天下合從章

天下合從，<sup>①</sup>趙使魏加見楚春申君，<sup>②</sup>曰：「君有將乎？」曰：「有矣，僕欲將臨武君。」<sup>③</sup>魏加曰：「臣少之時好射，臣願以射譬之可乎？」春申君曰：「可。」加曰：「異日者，更嬴與魏王處京臺之下，<sup>④</sup>仰見飛鳥，更嬴謂魏王曰：「臣爲王引弓虛發而下鳥。」魏王曰：「然則射可至此乎？」更嬴曰：「可。」有間，鴈從東方來，更嬴以虛發而下之。」魏王曰：「然則射可至此乎？」更嬴曰：「此孽也。」<sup>⑤</sup>王曰：「先生何以知之？」對曰：「其飛徐而鳴悲，飛徐者，故瘡痛也，鳴悲者，久失羣也，故瘡未息，<sup>⑥</sup>而驚心未<sup>⑦</sup>至<sup>⑧</sup>去也，聞弦音，引而高飛，故瘡隕也。」今臨武君嘗爲秦孽，<sup>⑨</sup>不可爲拒秦之將也。」

①六國合從，蘇秦死而從散，至是又合之。

②魏加，趙人。春申君，卽黃歇。春申君爲封號，非實有地名。

春申也。

③臨武君，姓名未詳。

④更嬴，人姓名。京，高也。京臺，卽高臺。

⑤孽，取廢而復生之義，以譬

傷弓之鳥。

⑥息，猶治也。

⑦嘗敗於秦。

汗明見春申君章

汗明見春申君，○候問三月而後得見，談卒，春申君大說之。汗明欲復談，春申君曰：『僕已知先生，先生大息矣。』○汗明慄焉，○曰：『明願有問君，而恐固，○不審君之聖孰與堯也？』春申君曰：『先生過矣，臣何足以當堯！』汗明曰：『然則君料臣孰與舜？』春申君曰：『先生卽舜也。』汗明曰：『不然，臣請爲君終言之！君之賢實不如堯，臣之能不及舜，夫以賢舜事聖堯，三年而後乃相知也，今君一時而知臣，是君聖於堯而臣賢於舜也。』春申君曰：『善。』召門吏爲汗先生著客籍五日一見。○

○汗明春申君客。○大息休息也；一說，息上不當有大字，此因上文大字而誤衍耳。○慄與蹴同，不安貌。○固陋也。○著客籍以五日一見之命也。

汗明曰：『君亦聞驥乎？夫驥之齒至矣，○服鹽車而上大行，○蹄申○膝折，

尾滿附漬，④漉汁灑地，⑤白汗交流，中阪遷延，⑥負轅不能上，伯樂遭之，⑦下車攀而哭之，解紵衣以羈之，⑧驥於是俛而噴，仰而鳴，聲達於天，若出金石聲者，何也？彼見伯樂之知己也，今僕之不肖，阨於州部，堀穴窮巷，⑨沈滂鄙俗之日久矣，⑩君獨無意湔拔僕也，使得爲君高鳴屈於梁乎？⑪』

①至言可服乘之時。

②服鹽車役使拉鹽車也。大行見秦策范雎至章註。

③申猶展也，用力故然。

④漉同沈，汗多故然。附足也。

⑤漉滲也。汁汗也。

⑥阪坡也。遷延不進貌。

⑦伯樂姓孫，名陽，秦

穆公時人，善相馬。

⑧羈與羈同，音覓（一）覆之也。

⑨堀穴與窟穴同，言以窮巷爲窟穴。

⑩

沈滂濁溲也。

⑪或謂明恐嘗困於梁云。

### 楚考烈王無子章

楚考烈王無子，①春申君患之，求婦人宜子者進之，甚衆，卒無子。趙人李園持其女弟欲進之楚王，②聞其不宜子，恐又無寵，李園求事春申君爲舍人，已而

謁歸，故失期，<sup>③</sup>還謁，<sup>④</sup>春申君問狀，對曰：『齊王遣使求臣女弟，<sup>⑤</sup>與其使者飲，故失期。』<sup>⑥</sup>春申君曰：『聘入乎？』對曰：『未也。』春申君曰：『可得見乎？』曰：『可。』於是園乃進其女弟，即幸於春申君，知其有身，園乃與其女弟謀。園女弟承間說春申君曰：『楚王之貴幸君，雖兄弟不如，今君相楚王二十餘年，而王無子，即百歲後，<sup>⑦</sup>將更立兄弟，即楚王更立，彼亦各貴其故所親，君又安得長有寵乎！非徒然也，君用事久，多失禮於王兄弟，兄弟誠立，禍且及身，奈何以保相印江東之封乎？<sup>⑧</sup>今妾自知有身矣，而人莫知，妾之幸君未久，誠以君之重而進妾於楚王，王必幸妾，妾賴天而有男，則是君之子爲王也，楚國封盡可得，<sup>⑨</sup>孰與其臨不測之罪乎？』春申君大然之，乃出園女弟，謹舍而言之。楚王，楚王召入幸之，遂生子男，立爲太子，<sup>⑩</sup>以李園女弟立爲王后。

○考烈王名熊元；一作名完。王卒，子幽王悍立，幽王卒，同母弟猶代立，是爲哀王，二月餘，庶兄負芻之

徒襲殺哀王，負芻爲王，是負芻即考烈王子也，此言無子，蓋指其初年耳。○女弟妹也，園妹名環。

故故意。失期後於所期日也。

還謁既還而入見。

齊王時爲王建。

此假設之辭。

謂

考烈王薨也。

春申君所封爲江東十二縣，故云。

言楚國四封之內也。

太子卽幽王。

楚王貴李園，李園用事。李園既入其女弟爲王后，子爲太子，恐春申君語泄而益驕，陰養死士，欲殺春申君以滅口，而國人頗有知之者。

泄太子爲己子而益驕傲也。

春申君相楚二十五年，考烈王病，朱英謂春申君曰：『世有無妄之福，』

又有無妄之禍，今君處無妄之世，以事無妄之主，安不有無妄之人乎？春申君

曰：『何謂無妄之福？』曰：『君相楚二十餘年矣，雖名爲相國，實楚王也，五子皆

相諸侯，今王疾甚，旦暮且崩，太子衰弱，疾而不起，而君相少主，因而代立當國，

如伊尹周公，王長而反政，不卽遂南面稱孤，因而有楚國，此所謂無妄之

福也。春申君曰：『何謂無妄之禍？』曰：『李園不治國，王之舅也，不爲兵

將，而陰養死士之日久矣，楚王崩，李園必先入，據本議，制斷君命，秉權而殺

君以滅口，此所謂無妄之禍也。春申君曰：『何謂無妄之人？』曰：『君先仕臣爲郎中，君王崩，李園先入，臣請爲君剗其腦殺之。』此所謂無妄之人也。春申君曰：『先生置之，勿復言已！』李園軟弱人也，僕又善之，又何至此！朱英恐，乃亡去。

①朱英<sup>△△</sup>，觀津人。

②無妄，史記作無望，謂無所期望而有得焉者，或以此解爲易之无妄，然易之无妄，

意實與此異。

③謂攝政也。

④伊尹相太甲，周公輔成王，皆以賢相而輔少主，故以之比春申君。

⑤反政歸政於王也。

⑥不讀如否。

⑦不治國言非將相。

⑧此句史記作『而君之仇也。』

⑨

言據前所言相少主因而代立當國之議。

⑩制斷矯也。君謂楚王言矯楚王之命也。

⑪剗<sup>△△</sup>，音衝

(イ又レ)刺也。腦與胸同。

後十七日，楚考烈王崩，李園果先入，置死士止於棘門之內，春申君後入，止棘門，園死士夾刺春申君，斬其頭，投之棘門外，於是使吏盡滅春申君之家，而李園女弟初幸春申君有身而入之，王所生子者，遂立爲楚幽王也。

棘門壽州城門；一說棘與戟通，宮門以棘衛之。

是歲，秦始皇立九年矣。○嫪毐亦爲亂於秦，覺夷三族。○而呂不韋廢。○

○秦始皇名政。初，呂不韋娶邯鄲姬，有身，以獻秦太子之子異人，其年而生子政，後異人得立，是爲莊

襄王，事與楚幽王相類。是時秦尙稱王，作始皇者，後人所追書也。○嫪毐，人姓名，讀如滂藹。秦王政

卽位，年少，太后與呂不韋通，王益壯，不韋恐事覺及禍，乃以舍人嫪毐，詐爲宦者進之，生二子，後有告

嫪毐非宦者，下吏治毐，毐發兵爲亂，戰敗，獲之，夷三族。三族，父族、母族、妻族也。事在始皇九年，與李園

殺春申君事同時。○秦王政以不韋奉先王功，不忍誅，免就國，尋徙蜀，不韋恐誅，飲酖死。

### 趙

趙嬴姓，侯爵，世爲晉卿，周威烈王二十三年，始命趙籍爲諸侯，有今河北南部山西北部之地，國於邯鄲，卽今河北邯鄲縣，至武靈王始稱王，傳至王遷，於秦始皇十九年，爲秦所滅。

#### 知伯帥趙韓魏章

知伯帥趙韓魏而伐范中行氏，滅之，○休數年，使人請地於韓，韓康子欲勿與，○段規○諫曰：『不可。夫知伯之爲人也，好利而鷙（復）愎，○來請地不與，必加兵於韓矣，君其與之與之，彼狃，○又將請地於他國，他國不聽，必鄉之以兵，○然則韓可以免於患難而待事之變。』康子曰：『善。』使使者致萬家之邑一於知伯，知伯說。

○知伯荀瑤也。范氏晉卿士會之後，至范吉射而爲知伯所滅。中行氏，姓荀，荀林父將中行，後因以官

爲氏，至中行寅而亡於知伯。

○韓康子名虎。

○段規，韓臣。

○鷙，猛鳥也，愎，避弋切（ㄅㄛˋ）。

復很戾之意。④狃音紐（广一又）狎也，習慣也。⑤鄉去聲，讀如向。

又使人請地於魏，魏〔宣〕桓子欲勿與，①趙葭②諫曰：『彼請地於韓，韓與之，請地於魏，魏弗與，則是魏內自強而外怒知伯也。』③然則其錯兵於魏必矣，④不如與之！〔宣〕桓子曰：『諾。』因使人致萬家之邑一於知伯，知伯說。

①魏桓子名駒。

②趙葭魏臣。

③魏勿與地，是內自恃而怒智伯。

④錯置也。錯兵猶加兵也。

又使人之趙，請蔡皋狼之地，①趙襄子弗與，②知伯因陰結韓魏，將以伐趙。趙襄子召張孟談③而告之曰：『夫知伯之爲人，陽親而陰疏，三使韓魏而寡人弗與焉，其移兵寡人必矣，今吾安居而可？』④張孟談曰：『夫董闕安于，⑤簡主之才臣也，⑥世治晉陽，⑦而尹澤循之，⑧其餘⑨政教猶存，君其定居晉陽！』君曰：『諾。』

①蔡皋狼地名，蔡或爲蘭之譌，今山西永寧縣西蘭故城，西北有皋狼故城。

②趙襄子名無恤。

③

張孟談襄子臣。

④言將居何地而可也。

⑤董闕安于，人姓名，闕與安于一字也，他書有作董安于，

或董闕于者，闕蓋讀如焉，安與焉，古同聲而通用，今作董闕安于，其作闕作安，後人誤合之耳。④簡主即趙簡子，襄子父。⑤晉陽見秦策頃襄王二十年章註。⑥尹澤趙臣澤，他書多作鐸，循依也，謂依安于之治。⑦餘遺也。

乃使延陵〔王〕生將車騎先之晉陽，君因從之。至行城郭，案府庫，①視倉廩，召張孟談曰：『吾城郭之完，府庫足用，倉廩實矣，無矢，奈何？』張孟談曰：『臣聞董子之治晉陽也，公宮之垣，皆以狄蒿〔苦〕苦楚廐之，②其高至丈餘，君發而用之！』於是發而試之，其堅則箛箛之勁，③不能過也。君曰：『足矣，吾銅少，若何？』張孟談曰：『臣聞董子之治晉陽也，公宮之室，皆以鍊銅爲柱質，請發而用之，則有餘銅矣。』君曰：『善。』號令以定，④備守以具，三國之兵，乘晉陽城，遂戰，三月不能拔，因舒軍而圍之，⑤決晉水而灌之。⑥

①案，案驗也。

②狄同荻，與蘆同類，蒿艾類，苦即楛字，木名，似荊而小，楚叢生之小木，一曰荊，四者皆可爲箭幹，廐同牆，言以彼四物爲牆也。

③箛讀如箛，箛即箛，皆美竹名。

④以同已，下同。

⑤舒展

也。言遠圍而不迫近城。

○晉水在山西太原縣西，源出懸壺山，水經注言知伯過此水以灌晉陽，因

分爲二流，北瀆卽知氏故渠，南瀆經南城，均注於汾。

圍晉陽三年，城中巢居而處，懸釜而炊，財食將盡，士卒病羸，襄子謂張孟談曰：『糧食匱，城力盡，士大夫病，吾不能守矣，欲以城下，何如？』張孟談曰：『臣聞之：「亡不能存，危不能安，則無爲貴知士也。」君釋此計，勿復言也！臣請見韓魏之君。』襄子曰：『諾。』

○城力盡，城中力盡也。

張孟談於是陰見韓魏之君曰：『臣聞唇亡則齒寒，○今知伯帥二國之君伐趙，趙將亡矣，亡則二君爲之次矣。』二君曰：『我知其然，夫知伯爲人也，虜中而少親，○我謀未遂而知，則其禍必至，爲之奈何？』張孟談曰：『謀出二君之口，入臣之耳，人莫之知也。』二君卽與張孟談陰約三軍，與之期。〔日〕日夜，○遣入晉陽。張孟談以報襄子，襄子再拜之。

○語見左傳。

○鹿同粗。言中心粗暴而少仁愛也。

○日夜是日既夜也。

張孟談因朝知伯而出，○遇知過轅門之外，○知過入見知伯曰：『二主殆將有變。』君○曰：『何如？』對曰：『臣遇張孟談於轅門之外，其志矜，其行高。』知伯曰：『不然，吾與二主約謹矣，破趙三分其地，寡人所親之，○必不欺也，子釋之，勿出於口！』知過出見二主，入說知伯曰：『二主色動而意變，必背君，不如令殺之！』知伯曰：『兵着晉陽三年矣，○且暮當拔之而饗其利，乃有他心，不可，子慎勿復言！』知過曰：『不殺則遂親之！』知伯曰：『親之奈何？』知過曰：『魏〔宣〕桓子之謀臣曰趙葭，韓康子之謀臣曰段規，是皆能移其君之計，君其與二君約，破趙則封二子者各萬家之縣一，如是則二主之心可不變，而君得其所欲矣。』知伯曰：『破趙而三分其地，又封二子者各萬家之縣一，則吾所得者少，不可！』知過見君之不用也，言之不聽，出更其姓爲輔氏，○遂去不見。

○兵交，使可在其間，故得朝之。

○知過，一作知果，知伯之族。古者巡狩田獵之事，以車爲藩，其出入

之處，仰車以轅相向表門，謂之轅門。周禮天官：「掌舍，設車宮轅門。」後因稱衙署之外門曰轅門。

③君知伯也。④言親與二國約也。⑤着言附其城也。⑥國語載知果更姓，在知伯被立爲後時。

與策先後不同。

張孟談聞之，入見襄子曰：「臣遇知過於轅門之外，其視有疑臣之心，入見知伯，出更其姓，今暮不擊，必後之矣。」襄子曰：「諾。」使張孟談見韓魏之君，〔曰〕日夜期，①殺守堤之吏，而決水灌知伯軍。知伯軍救水而亂，韓魏翼而擊之，②襄子將卒犯其前，大敗知伯軍而禽知伯。知伯身死國亡地分，爲天下笑，此貪欲無厭也。夫不聽知過，亦所以亡也。知氏盡滅，唯輔氏存焉。④

①恐知伯以知過之去而感悟也。②日夜期猶謂期是日之夜也。③謂左右夾擊也。④自知伯

身死句以下，皆記者之辭。

### 知伯從韓魏兵章

知伯從韓魏兵以攻趙，○圍晉陽而水之，城下不沉者三板。○郟疵○謂知伯曰：『韓魏之君必反矣。』知伯曰：『何以知之？』○郟疵曰：『以其人事知之。夫從韓魏之兵而攻趙，趙亡，難必及韓魏矣，今約勝趙而三分其地，今城不沒者三板，白竈生龜，④人馬相食，城降有日，而韓魏之君無憲志而有憂色，是非反如何也。』明日，知伯以告韓魏之君曰：『郟疵言君之且反也。』韓魏之君曰：『夫勝趙而三分其地，城今且將拔矣，夫三家雖愚，不棄美利於前，背信盟之約，而爲危難不可成之事，其勢可見也，是疵爲趙計矣，使君疑二主之心而解於攻趙也。⑤今君聽讒臣之言，而離二主之交，爲君惜之！』趨而出。郟疵謂知伯曰：『君又何以疵言告韓魏之君爲？』知伯曰：『子安知之？』對曰：『韓魏之君視疵端而趨疾。』⑥郟疵知其言之不聽，請使於齊，知伯遣之，韓魏之君果反矣。

○從韓魏兵使二國兵從之也。

○板同版，八尺也。

○郟疵趙人；一說晉人。

④白春米器。竈炊竈。

龜同蛙。

⑤如，猶而如何而何也。

⑥解懈同。

⑦視端畏之，趨疾避之。恐疵要之與見知伯而辭屈。

也。

### 晉畢陽之孫章

晉畢陽之孫豫讓，○始事范中行氏而不說，去而就知伯，知伯寵之。及三晉分知氏，趙襄子最怨知伯，○而將其頭以爲飲器，○豫讓遁逃山中曰：『嗟乎！士爲知己者死，女爲悅己者容，○吾其報知氏之讎矣！』

○畢陽，春秋晉臣畢萬之後，豫讓乃其孫也。

○初，知伯伐鄭，趙簡子疾，使太子無恤將圍鄭，知伯醉

以酒灌無恤，及歸，又謂簡子使廢無恤，簡子不從，無恤由此怨知伯，至是又有晉陽之圍，故怨益甚。

○飲器，稗榼也；一說，虎子之屬。

○容，修其容色也。

乃變姓名爲刑人，○入宮塗廁，○欲以刺襄子。襄子如廁，心動，執問塗者，則豫讓也，刃其扞，○曰：『欲爲知伯報讎。』左右欲殺之，趙襄子曰：『彼義士也，吾謹避之耳。』且知伯已死無後，而其臣至爲報讎，此天下之賢人也。』卒釋之。

○刑人受刑而虧體者。○塗污抹也。廁溷池也。入襄子宮中塗廁，欲乘間刺襄子也。○扞當爲朽，朽所以塗也。刃施刃其端。

豫讓又漆身爲厲，○滅鬚去眉，○自刑以變其容，爲乞人而往乞。其妻不識曰：『狀貌不似吾夫，其音何類吾夫之甚也！』又吞炭爲啞，變其音。○其友謂之曰：『子之道甚難而無功，謂子有志則然矣，謂子智則否，以子之才而善事襄子，襄子必近幸子，子之得近而行所欲，此甚易而功必成。』豫讓乃笑而應之曰：『是爲先知報後知，爲故君賊新君，大亂君臣之義者無此矣。』○凡吾所謂爲此者，以明君臣之義，非從易也。且夫委質而事人，○而求弑之，是懷二心以事君也，吾所爲難，亦將以愧天下後世人臣懷二心者。』

○厲與癩通。凡漆有毒，近之多患瘡腫，若癩病然。○患癩者鬚眉皆脫。○吞炭自敗其音如啞，非

眞瘡也。○無此矣，猶言無過此矣。○質讀如贄，古人相見必執贄以爲禮，如卿羔大夫雁是也。委

質言執贄以爲臣也。

居頃之，襄子當出，豫讓伏所當過橋下，襄子至橋而馬驚，襄子曰：『此必豫讓也。』使人問之，果豫讓。於是趙襄子面數豫讓曰：『子不嘗事范中行氏乎？知伯滅范中行氏，而子不爲報讎，反委質事知伯，知伯已死，子獨何爲報讎之深也？』豫讓曰：『臣事范中行氏，范中行氏以衆人遇臣，臣故衆人報之，知伯以國士遇臣，臣故國士報之。』襄子乃喟然嘆泣曰：『嗟乎！豫子！豫子之爲知伯，名旣成矣。寡人舍子，亦以足矣。』子自爲計，寡人不舍子。』使兵環之。豫讓曰：『臣聞明主不掩人之義，忠臣不愛死以成名，君前已寬舍臣，天下莫不稱君之賢，今日之事，臣故<sup>④</sup>伏誅，然願請君之衣而擊之，雖死不恨，非所望也，敢布腹心。』於是襄子義之，乃使使者持衣與豫讓。豫讓拔劍三躍，呼天擊之，曰：『而<sup>⑤</sup>可以報知伯矣。』遂伏劍而死。死之日，趙國之士聞之，皆爲涕泣。

①國士<sup>△</sup>謂一國之內共推爲才士也。

②爲國士所爲以報之也。

③以同已。

④故固通。

⑤言雖

有此望，但不冀得達，聊敢布其心志而已。

⑥而汝也，讓自呼也。

### 蘇秦從燕之趙章

蘇秦從燕之趙，始合從，說趙王曰：「天下之卿相人臣，乃至布衣之士，莫不高賢大王之行義，皆願奉教陳忠於前之日久矣。雖然，奉陽君妬，<sup>③</sup>大王不得任事，是以外賓客，<sup>④</sup>遊談之士，無敢盡忠於前者；今奉陽君捐館舍，<sup>⑤</sup>大王乃今然後得與士民相親，臣故敢獻其愚，効愚忠。」<sup>⑥</sup>

①蘇秦於周顯王三十五年，說燕文侯，文侯因資秦車馬金帛，以至趙。趙王肅侯，名語。時肅侯十六年也。  
②布衣謂庶人也，古者庶人耄老而後衣絲，其餘則僅麻枲，故曰布衣。  
③奉陽君肅侯弟，名成，奉陽君其封號，妬疾賢也。蘇秦初至趙，奉陽君弗悅之，因去之燕。  
④不得任客以事，是以疏外賓客。

⑤捐館舍謂死後捐棄一切也，今稱人死曰捐館，本此。  
⑥愚効二字或謂衍文。

爲大王計，莫若安民無事，請無庸有爲也。安民之本，在於擇交，擇交而得則民安，擇交不得，則民終身不得安。請言外患，齊秦爲兩敵，而民不得安，倚秦攻

齊，而民不得安，倚齊攻秦，而民不得安；故夫謀人之主，伐人之國，常苦出辭，○斷絕人之交，○願大王慎無出於口也，請屏左右，「曰」白言所以異陰陽而已矣。  
○大王誠能聽臣，燕必致氈裘狗馬之地，齊必致海隅魚鹽之地，楚必致橘柚雲夢之地，韓魏皆可使致封地湯沐之邑，○貴戚父兄皆可以受封侯，夫割地效實，○五伯之所以覆軍禽將而求也，封侯貴戚，湯武之所以放殺而爭也，○今大王垂拱而兩有之，○是臣之所以爲大王願也。

○兩敵謂齊秦皆爲趙之敵也。

○苦言其力也。

○謂橫人蓋然。

○陰陽言事止有兩端，指從橫

言。

○封地封疆以內之地。湯沐邑，見楚懷王拘張儀章註。

○效致也。實謂氈裘之類。

○此非所

以言湯武蓋遊士之辭。

○垂拱，垂衣拱手。言不勞而獲也。

大王與秦，則秦必弱韓魏，與齊，則齊必弱楚魏，魏弱則割河外，○韓弱則效

宜陽，○宜陽效則上郡絕，○河外割則道不通，○楚弱則無援，○此三策者，不可

不熟計也！夫秦下軹道，○則南陽動，○劫韓包周，則趙自銷鑠，據衛取淇，○則齊

不熟計也！夫秦下軹道，○則南陽動，○劫韓包周，則趙自銷鑠，據衛取淇，○則齊

必入朝，秦欲已得行於山東，則必舉甲而向趙，秦甲涉河踰漳，據番吾，<sup>④</sup>則兵必戰於邯鄲之下矣，此臣之所以爲大王患也。

① 河外同華等地，卽西河之外也。② 宜陽，見秦策司馬錯與張儀章註。③ 上郡趙地，今陝西膚施

等縣，絕路不通也。④ 不通，不通上郡也。⑤ 無援，謂趙孤立也。⑥ 軹道，在今陝西長安縣東。⑦

南陽，見秦策司馬錯與張儀章註。⑧ 衛，今河南汲縣。淇水名，在河南淇縣。⑨ 河，謂當時黃河之道，

自今河南濬縣西南，北歷內黃湯陰安陽臨漳及河北成安肥鄉曲周廣宗至鉅鹿，皆趙地。漳亦當時

漳水所經之道，自臨漳以北，經成安肥鄉曲周而入河，非今時黃河漳水經行之道也。番吾，見齊策張

儀爲秦連橫說齊章註。

當今之時，山東之建國，莫如趙強，趙地方二千里，帶甲數十萬，車千乘，騎萬匹，粟支十年，西有常山，<sup>①</sup>南有河漳，東有清河，<sup>②</sup>北有燕國，——燕固弱國，不足畏也。且秦之所畏害於天下者，莫如趙，然而秦不敢舉兵甲而伐趙者，何也？畏韓魏之議其後也，然則韓魏，趙之南蔽也；秦之攻韓魏也，則不然，無有名山大川之

限，稍稍蠶食之，<sup>③</sup>傳之國都而止矣。<sup>④</sup>韓魏不能支秦，必入臣，韓魏臣於秦，秦無韓魏之隔，禍中於趙矣。<sup>⑤</sup>此臣之所以爲大王患也。<sup>⑥</sup>

①常山

見秦策張儀爲秦破從連橫說楚章註。

②清河

見齊策蘇秦爲趙合從說齊章註。

③蠶食

喻侵蝕他國之土地，如蠶之食葉也。

④傳附也。

⑤國都

謂魏都大梁，韓都鄭也。

止言兵至國都而止於

此也。<sup>⑦</sup>中<sup>⑧</sup>去聲。<sup>⑨</sup>以上言韓魏之不可不交。

臣聞堯無三夫之分，<sup>①</sup>舜無咫尺之地，以有天下，禹無百人之聚，以王諸侯，湯武之卒不過三千人，車不過三百乘，立爲天子，誠得其道也；是故明主外料其敵國之強弱，內度其士卒之衆寡，賢與不肖，不待兩軍相當，而勝敗存亡之機，一節一固已見於胸中矣，豈掩於衆人之言，而以冥冥決事哉！臣竊以天下地圖案之，諸侯之地，五倍於秦，料諸侯之卒，十倍於秦，六國并力爲一，西面而攻秦，秦破必矣；今見破於秦，西面而事之，見臣於秦，夫破人之與破於人也，臣人之與臣於人也，豈可同日而言之哉！<sup>②</sup>夫橫人者，皆欲割諸侯之地以與秦成，<sup>③</sup>與秦成，

則高臺美宮室，聽竽瑟之音，察五味之和，<sup>④</sup>前有軒轅，<sup>⑤</sup>後有長庭，<sup>⑥</sup>美人巧笑，卒有秦患，<sup>⑦</sup>而不與其憂，<sup>⑧</sup>是故橫人日夜務以秦權恐獨諸侯，<sup>⑨</sup>以求割地，願大王之熟計之也！<sup>⑩</sup>

①周制，一夫受田百畝，三夫三百畝也。言堯無所據也。②以上言從之利，即擇交而得者。③成和

也。④五味酸苦甘辛鹹。⑤軒轅猶言軒車。⑥長庭美人所居。⑦卒猝同。⑧言橫人不與君

同憂。⑨獨，喝通。⑩以上言橫之害，即擇交不得者。

臣聞明主絕疑去讒，屏流言之迹，塞朋黨之門，故尊主廣地強兵之計，臣得陳忠於前矣，故竊爲大王計，莫如一韓魏齊楚燕趙六國，從親以儼畔秦，①令天下之將相，相與會於洹水之上，②通質刑白馬以盟之，③約曰：「秦攻楚，齊魏各出銳師以佐之，韓絕食道，④趙涉河漳，⑤燕守常山之北，⑥秦攻韓魏，⑦則楚絕其後，⑧齊出銳師以佐之，趙涉河漳，燕守雲中，⑨秦攻齊，則楚絕其後，韓守成臯，⑩魏塞午道，⑪趙涉河漳博關，⑫燕出銳師以佐之，秦攻燕，則趙守常山，楚軍武

關，<sup>①</sup>齊涉渤海，<sup>②</sup>韓魏出銳師以佐之；秦攻趙，則韓軍宜陽，楚軍武關，魏軍河外，齊涉渤海，<sup>③</sup>燕出銳師以佐之；諸侯有先背約者，五國共伐之。六國從親以擯秦，秦必不敢出兵於函谷關以害山東矣，如是則伯業成矣。<sup>④</sup>

① 價與擯通，斥也。畔離也。② 洹水源出河南林縣隆慮山，逕安陽至內黃，入於衛河。③ 通質交質。

也。④ 時秦未取巴蜀漢中，伐楚必出武關，韓自宜陽而西，可絕其食道。⑤ 趙與韓相援以阻秦軍。

也。⑥ 忍秦聲言伐楚，忽指燕趙也。⑦ 謂道蒲津之東攻之。⑧ 楚出兵武關以絕秦兵之後也。

⑨ 雲中故城在今山西大同縣西北。⑩ 成皋見秦策范雎至章註。⑪ 午道當在趙東齊西地名也。

一說，一從一橫爲午，謂交道也。⑫ 博關見齊策張儀爲秦連橫說齊章註。⑬ 武關見楚策蘇秦爲

趙合從說楚章註。⑭ 渤海在燕齊之間，齊之救燕，必涉渤海。⑮ 齊救趙，無煩涉渤海，史記作清河

是也，清河在齊趙之間，齊趙相救，必涉清河，此作渤海者，蓋因上有渤海而誤。⑯ 伯與霸同。

趙王曰：『寡人年少，莅國之日淺，未嘗得聞社稷之長計，今上客有意存天下安諸侯，寡人敬以國從！』乃封蘇秦爲武安君，①飾車百乘，②黃金千鎰，白璧

百雙，錦繡千純，<sup>①</sup>以約諸侯。

①武安見秦策蘇秦始將連橫章註。

②飾車車之有文飾者。

③純束也。

### 張儀爲秦連橫說趙章

張儀爲秦連橫，說趙王曰：「弊邑秦王，使臣敢獻書於大王御史。大王收率天下以儼秦，秦兵不敢出函谷關十五年矣。大王之威，行於天下，山東弊邑恐懼懾伏，繕甲厲兵，飾車騎，習馳射，力田積粟，守四封之內，愁居懾處，不敢動搖，唯大王有意督過之也。今秦以大王之力，西舉巴蜀，并漢中，東收兩周而西遷九鼎，守白馬之津，秦雖僻遠，然而心忿悁含怒之日久矣。今〔宣〕寡君有〔微〕敝甲鈍兵，軍於澠池，願渡河踰漳，據番吾，迎戰邯鄲之下，願以甲子之日合戰，以正殷紂之事，敬使臣先以聞於左右。」

④趙王武靈王，名雍。時周赧王四年，趙武靈王十五年。

⑤秦王惠王也。

⑥御史，周官，以中士下士

爲之，特小臣之傳命者，不敢斥言王，故云大王御史。④儻，擯同。⑤飾與飭同，整也。⑥督責也。督

過督責其過也。⑦以猶以爲也。⑧白馬之津，在今河南滑縣北，舊爲河水分流處，今湮，亦曰鹿鳴

津，又曰黎陽津。⑨辟，同僻。⑩悁，亦忿也。⑪澠池，見齊策張儀爲秦連橫說齊章註。⑫甲子武

王克紂之日，以趙王比紂也。

凡大王之所信以爲從者，恃蘇秦之計，熒惑諸侯，以是爲非，以非爲是，欲反覆齊國而不能，自令車裂於齊之市，夫天下之不可一亦明矣。今楚與秦爲昆弟之國，而韓魏稱爲東蕃之臣，齊獻魚鹽之地，此斷趙之右臂也。夫斷右臂而求與人鬪，失其黨而孤居，求欲無危，豈可得哉！今秦發三將軍，一軍塞午道，告齊使興師度清河，軍於邯鄲之東，一軍軍於成臯，毆韓魏而軍於河外，一軍軍於澠池，約曰：「四國爲一以攻趙，破趙而四分其地。」是故不敢匿意隱情，先以聞於左右。臣切爲大王計，莫如與秦遇於澠池，面相見而身相結也。臣請案兵無攻，願大王之定計！」

○△葵亦惑也。

○△蕃同藩。

○△午道見蘇秦從燕之趙章註。

○△古清河在今直隸清河縣西，過此水

則在邯鄲之東矣。

○△毆同驅。河外河南之地，此指今河南滑縣而言。

趙王曰：『先王之時，○奉陽君相，○專權擅勢，蔽晦先王，獨制官事，寡人宮

居，屬於師傅，不得與國謀；先王棄羣臣，○寡人年少，奉祠祭之日淺，私心固竊疑焉，以爲一從不事秦，非國之長利也，乃且願變心易慮，剖地謝前過，以事秦，方將約車趨行，○而適聞使者之明詔。』於是乃以車三百乘，入朝澠池，割河間以事秦。○

○△先王謂肅侯。

○△奉陽君見蘇秦從燕之趙章註。

○△弃羣臣謂死也。

○△趨與促同，迫也。

○△河

間見秦策文信侯欲攻趙章註。

### 武靈王平晝章

武靈王平晝閒居，○肥義侍坐，○曰：『王慮世事之變，權甲兵之用，念簡襄

之迹，①計胡狄之利乎？」王曰：「嗣立不忘先德，君之道也，錯質務明王之長，②臣之論也，③是以賢君靜而有道民便事之教，動有明古先世之功，④爲人臣者，窮有弟長辭讓之節，通有補民益主之業，此兩者，君臣之分也；今吾欲繼襄主之業，啓胡翟之鄉，而卒世不見也。⑤敵弱者，⑥用力少而功多，可以無盡百姓之勞，而享往古之勳；夫有高世之功者，必負遺俗之累，⑦有獨知之慮者，必被庶人之恐，今吾將胡服騎射以教百姓，而世必議寡人矣。」肥義曰：「臣聞之：「疑事無功，疑行無名。」⑧今王卽定負遺俗之慮，⑨殆毋顧天下之議矣。夫論至德者不和於俗，成大功者不謀於衆，⑩昔舜舞有苗，⑪而禹袒入裸國，⑫非以養欲而樂志也，欲以論德而要功也，⑬愚者闇於成事，智者見於未萌，⑭王其遂行之！」王曰：「寡人非疑胡服也，吾恐天下笑之；狂夫之樂，知者哀焉；愚者之笑，賢者戚焉，世有順我者，則胡服之功未可知也，⑮雖毆世以笑我，⑯胡地中山，吾必有之。」

①王遂胡服。

○武靈王立，令國人謂己曰君，不稱王——時五國皆王——胡服騎射，攘地北至燕代，西至雲中九

原，在位二十七年，立子何爲王，自號爲主父，長子章作亂，敗走主父宮，主父納之，公子成李兌圍主父

宮，三月餘，餓死。平晝無事之日。○肥義趙賢人。○簡簡子鞅，襄襄子無恤。○錯交錯也，相互之

意錯質交相質證也。○論謂所可論議。○明古明於往古，先世先於一世。○卒世猶言沒世。不

見不見成功也。○敵弱者言與弱爲敵，指胡翟也。○言遺棄舊俗，始能成高世之功，而世必訾議，

故曰遺俗之累。○二語見商子。○言自定於心，不爲俗所移也。○二語見商子更法篇。○有

苗，卽三苗。書大禹謨：『有苗弗率，帝乃誕敷文德，舞干羽於兩階，七旬，有苗格。』○裸國裸身之國。

淮南子原道訓：『禹之裸國，解衣而入，衣帶而出，囚之也。』聖人治禮，不求變俗，故曰囚之。○論，或

謂當爲論。○二語見商子更法篇。○舉世皆胡服，則其利相同，故曰未可知。陽恐天下笑之，陰實

利之。○殿同驅。○王以中山爲言，實欲圖秦。

使王孫緜告公子成。○曰：『寡人胡服，且將以朝。』○亦欲叔之服之也；家聽

於親，國聽於君，古今之公行也，子不反親，臣不逆主，先王之通誼也，今寡人作教

易服，而叔不服，吾恐天下議之也。夫制國有常，而利民爲本，從政有經，而令行爲上，故明德在於論賤，①行政在於信貴，②今胡服之意，非以養欲而樂志也，事有所出，功有所止，③事成功立，然後德且見也。今寡人恐叔逆從政之經，以輔公叔之議，④且寡人聞之，事利國者行無邪，因貴戚者名不累，故寡人願募公叔之義，以成胡服之功，使縹謁之叔，請服焉！公子成再拜曰：『臣固聞王之胡服也，不佞寢疾，不能趨走，是以不先進，王今命之，臣固敢竭其愚忠！臣聞之中國者，聰明叡知之所居也，萬物財用之所聚也，賢聖之所教也，仁義之所施也，詩書禮樂之所用也，異敏技藝之所試也，⑤遠方之所觀赴也，蠻夷之所義行也，⑥今王釋此而襲遠方之服，變古之教，易古之道，逆人之心，畔學者，離中國，臣願大王圖之！』

①王孫縹，趙人。公子成，趙公族。

②且，或謂當作旦。

③論，一作諭。

④信貴言必行於貴者。

⑤止

集也，成也。

⑥公叔與叔，特詳略之別。言恐叔逆命而令不行，故以此言輔之。

⑦異出類敏疾於事

也。⑧義同儀，儀，法也。

使者報王。○王曰：『吾固聞叔之病也。』卽之公叔成家自請之，曰：『夫服者，所以便用也，禮者，所以便事也，是以聖人觀其鄉而順宜，因其事而制禮，所以利其民而厚其國也。被髮文身，○錯臂左衽，○甌越之民也，○黑齒雕題，○鯁冠毳縫，○大吳之國也，禮服不同，其便一也，是以鄉異而用變，事異而禮易，是故聖人苟可以利其民，不一其用，果可以便其事，不同其禮，儒者一師而禮異，中國同俗而教離，○又況山谷之便乎！故去就之變，知者不能一，遠近之服，賢聖不能同，窮鄉多異，曲學多辨，不知而不疑，○異於己而不非者，公於求善也，今卿之所言者，俗也，吾之所言者，所以制俗也。今吾國東有河薄洛之水，○與齊中山同之，而無舟楫之用，自常山以至代上黨，東有燕東胡之境，○西有樓煩秦韓之邊，○而無騎射之備，故寡人且聚舟楫之用，求水居之民，以守河薄洛之水，變服騎射，以備〔其參〕燕東胡樓煩秦韓之邊。且昔者簡主不塞晉陽以及上黨，而襄主兼戎取代以攘諸胡，此愚知之所明也。○先時中山負齊之強，兵侵掠吾地，係累吾

民，<sup>①</sup>引水圍部，<sup>②</sup>非社稷之神靈，卽部畿不守，先王忿之，其怨未能報也。今騎射之服，近可以備上黨之形，遠可以報中山之怨，而叔也順中國之俗，以逆簡襄之意，惡變服之名，而忘國事之恥，非寡人所望於子！公子成再拜稽首曰：『臣愚不達於王之議，敢道世俗之間，<sup>③</sup>今欲繼簡襄之意，以順先王之志，臣敢不聽令再拜！』乃賜胡服。

○使者報王，<sup>④</sup>縹反命也。

○被髮戎狄之俗，被，一作祝，斷也。文身，刻畫其身以爲文也。

○錯臂，謂以

丹青錯畫其臂；一說以兩臂交錯而立，言無禮容。左衽，衣衿向左也。亦戎翟之俗。

○今瓊崖儋耳謂

之甌人，是爲甌越。一說，屬南越，故言甌越。

○黑齒，以草染齒爲黑。雕題，刻其肌以丹青涅之。題，額也。

○鯢，大鮎，以其皮爲冠。菰，菰，也。縫，解同。紩，紩通。紩，言女工鍼縷之粗拙也。

○雖，別也。

○言各

不知其異而不疑之。

○薄落水，卽漳水，今河北寧晉縣東南有薄落亭；又滏陽河之分支流墨河，亦

稱薄落津。

○東胡，烏丸之先，後爲鮮卑，在匈奴東，故曰東胡。

○樓煩，見齊策。蘇秦說齊閔王章蘭

離石等註，趙邊邑，隔河爲秦地，潞澤皆韓地，趙西境，故曰秦韓之邊。

○言先時不塞此險，欲以并戎

胡爲攻計，非爲守計。

⑤係累繫縛也。

⑥鄗，故城在今河北柏鄉縣北。

⑦道言也。世俗之間謂俗

間常言間，一作聞。

趙文①進諫曰：『農夫勞而君子養焉，政之經也。愚者陳意而知者論焉，教之道也。臣無隱忠，君無蔽言，國之祿也。臣雖愚，願竭其忠！』王曰：『慮無惡擾，②忠無過罪，③子其言乎！』趙文曰：『當世輔俗，④古之道也。衣服有常，禮之制也。修法無愆，民之職也。三者，先聖之所以教，今君釋此而襲遠方之服，變古之教，易古之道，故臣願王之圖之！』王曰：『子言世俗之間，⑤常民溺於習俗，學者沉於所聞，此兩者所以成官而順政也，非所以觀遠而論始也。且夫三代不同服而王，五伯不同教而政，知者作教，而愚者制焉，賢者議俗，不肖者拘焉，夫制於服之民，不足與論心，拘於俗之衆，不足與致意，故勢與俗化，而禮與變俱，聖人之道也，承教而動，循法無私，⑥民之職也。知學之人，能與聞遷，⑦達於禮之變，能與時化，故爲己者不待人，制今者不法古。子其釋之！』

○趙文趙公族。○言能定慮則不亂於物也。○謂過爲罪之小者。○當猶順也。○謂其所言

不出世俗也。○謂不敢用私意也。○謂有所聞則改前之爲也。

趙造○諫曰：『隱忠不竭，奸之屬也，以私誣國，〔賤〕賊之類也，犯姦者身死，〔賤〕賊國者族宗，○〔反〕此兩者，先聖之明刑，臣下之大罪也，臣雖愚，願盡其忠，無遁其死。』王曰：『竭意不諱，忠也，上無蔽言，明也，忠不辟危，○明不距人，子其言乎！』趙造曰：『臣聞之：「聖人不易民而教，知者不變俗而動。」因民而教者，不勞而成功，據俗而動者，○慮徑而易見也，○今王易初不循俗，胡服不顧世，非所以教民而成禮也。且服奇者志淫，俗辟者亂民，○是以莅國者不襲奇辟之服，中國不近蠻夷之行，非所以教民而成禮者也。且循法無過，脩禮無邪，臣願王之圖之。』王曰：『古今不同俗，何古之法？帝王不相襲，何禮之循？宓戲神農，教而不誅，黃帝堯舜，誅而不怒，及至三王，觀時而制法，因事而制禮，法度制令，各順其宜，衣服器械，各便其用，故〔禮〕理世不必一，〔其〕道，便國不必法古。聖人之

與也，不相襲而王，夏殷之衰也，不易禮而滅，然則反古未可非，而循禮未足多也。且服奇而志淫，是鄒魯無奇行也，俗辟而民易，是吳越無俊民也；是以聖人利身之謂服，便事之謂教，進退之謂節，衣服之制，所以齊常民，非所以論賢者也；故聖與俗流，賢與變俱。① 諺曰：「以書爲御者，不盡於馬之情，② 以古制今者，不達於事之變。」故循法之功，不足以高世，法古之學，不足以制今，子其勿反也！③

① 趙造趙公族。

② 族宗族滅其宗也。

③ 言不避爲忠而死。

④ 辟同避。

⑤ 據猶依也。

⑥ 徑直

也。喻其省便。

⑦ 辟同僻；下同。

⑧ 二句言聖人亦順俗，賢人亦達變也。

⑨ 情才之實也。

⑩ 勿反

猶勿復言。

### 趙太后新用事章

趙太后新用事，秦急攻之，① 趙氏求救於齊，齊曰：「必以長安君爲質，② 兵乃出！」太后不肯，大臣強諫，太后明謂左右：「有復言令長安君爲質者，老婦必

唾其面！左師觸讐願見太后，太后盛氣而揖之。入而徐趨，至而自謝曰：「老臣病足，曾不能疾走，不得見久矣，竊自恕，而恐太后玉體之有所郤也。」故願望見太后。」太后曰：「老婦恃輦而行。」曰：「日食飲得無衰乎？」曰：「恃輦耳。」曰：「老臣今者殊不欲食，乃自強步，日三四里，少益耆食，和於身也。」太后曰：「老婦不能。」太后之色少解。

○趙太后惠文王之后，即威后。秦伐趙事，在周赧王五十年，趙孝成王元年。○長安君惠文后少子

孝成王母弟，長安君其封號也。質音至，下同。○讐音摺（ㄊㄨㄛˋ）左師官名，觸讐人名，他書多作觸

龍。○揖之，史記作胥之，胥猶須也，隸書胥字作胥，因譌而爲舛，後人又加手旁耳。○自恕自寬也，

言自寬其久不見之罪也。○郤卻同。以己病足，因亦恐后不能前，亦自恕以及人也。○輦天子之

車。恃輦而行謂亦病足，非車不行也。○鬻粥同。○繞室中行，日可三四里也。○耆同嗜。

左師公曰：「老臣賤息舒祺，最少，不肖，而臣衰，竊愛憐之，願令得補黑衣之數，以衛王（官）宮。」沒死以聞。太后曰：「敬諾。年幾何矣？」對曰：「十

五歲矣，雖少，願及未填溝壑而託之。<sup>④</sup>太后曰：「丈夫亦愛憐其少子乎？」對曰：「甚於婦人。」太后笑曰：「婦人異甚？」對曰：「老臣竊以爲媼之愛燕后，賢於長安君。<sup>⑤</sup>」曰：「君過矣！不若長安君之甚。」左師公曰：「父母之愛子，則爲之計深遠，媼之送燕后也，持其踵爲之泣，念悲其遠也，亦哀之矣；已行，非弗思也，祭祀必祝之，祝曰：『必勿使反！』<sup>⑥</sup>豈非計久長有子孫相繼爲王也哉？」太后曰：「然。」

① 息子舒祺名也。

② 黑衣戎服，王宮衛士之服也。欲割愛使離左右，隱指長安君。

③ 沒死猶昧死

也。

④ 填溝壑，謙言死也。託謂託太后也。

⑤ 媼音奧（么），老婦之稱。燕后，太后女，嫁於燕，賢勝也。

⑥ 或被廢，或國滅，方反本國，故祝其勿反。

左師公曰：「今三世以前，至於趙之爲趙，<sup>①</sup>趙主之子孫侯者，其繼有在者乎？」曰：「無有。」曰：「微獨趙，諸侯有在者乎？」曰：「老婦不聞也。」「此其近者禍及身，遠者及其子孫，豈人主之子孫則必不善哉，位尊而無功，奉厚而

而勞，<sup>④</sup>而挾重器多也。<sup>⑤</sup>今媼尊長安君之位，而封之以膏腴之地，多予之重器，而不及今令有功於國，一旦山陵崩，<sup>⑥</sup>長安君何以自託於趙？老臣以媼爲長安君計短也，故以爲其愛不若燕后。』太后曰：『諾，恣君之所使之！』於是爲長安君約車百乘，質於齊，齊兵乃出。

○趙之爲趙，言肅侯化家爲國。

○繼，相繼爲侯也。

○言他國子孫有三世相繼爲侯者乎。

④奉

與俸同。

⑤重器，謂金玉重寶。

⑥山陵崩，謂太后沒也。

⑦言聽君所使，許以長安君爲質也。

子義聞之，曰：『人主之子也，骨肉之親也，猶不能恃無功之尊，無勞之奉，而守金玉之重也，而况人臣乎！』

○子義，趙賢士。

### 秦攻趙於長平章

秦攻趙於長平，○大破之，引兵而歸，因使人索六城於趙而講，○趙計未定。

樓緩新從秦來，<sup>③</sup>趙王<sup>④</sup>與樓緩計之，曰：「與秦城何如？不與何如？」<sup>⑤</sup>樓緩辭讓曰：「此非人臣之所能知也。」王曰：「雖然，試言公之私。」樓緩曰：「王亦聞夫公甫文伯母乎？」<sup>⑥</sup>公甫文伯官於魯，病死，婦人爲之自殺於房中者二八<sup>⑦</sup>。其母聞之，不肯哭也，相室<sup>⑧</sup>曰：「焉有子死而不哭者乎？」其母曰：「孔子賢人也，逐於魯，是人不能隨，<sup>⑨</sup>今死而婦人爲死者十六人，<sup>⑩</sup>若是者其於長者薄而於婦人厚。」故從母言之，之爲賢母也，從婦言之，必不免爲妬婦也，故其言一也，言者異則人心變矣。今臣新從秦來，而言勿與，則非計也，言與之，則恐王以臣之爲秦也，故不敢對。使臣得爲王計之，不如予之。」王曰：「諾。」

①長平見齊策秦攻趙長平齊楚救章註。

②講和解也。

③樓緩趙人相秦。

④趙王孝成王，名丹。

⑤或言此當以與秦城爲句，何如不與爲句，下何如二字衍。

⑥公甫文伯季康子從父昆弟，名歇。

其母敬姜也。

⑦二八，史記新序並作二人。

⑧相室，傅姆之類。

⑨稱是人，不子之也。

⑩禮檀弓

載文伯之喪，敬姜據其牀而不哭云云，與樓緩之言不同，辨士之言，或過其實。

虞卿聞之，○入見王，王以樓緩言告之。虞卿曰：『此飾說也。』（秦既解邯鄲之圍而趙王入朝使趙郝約事於秦割六縣而講）王曰：『何謂也？』虞卿曰：『秦之攻趙也，倦而歸乎？王以其力尙能進，愛王而不攻乎？』王曰：『秦之攻我也，不遺餘力矣，必以倦而歸也。』虞卿曰：『秦以其力攻其所不能取，倦而歸，王又以其力之所不能攻以資之，是助秦自攻也；來年秦復攻王，王無以救矣。』

○虞卿游說之士爲趙上卿，後與魏齊去趙，困於梁，窮愁著書以自見於後世。

王又以虞卿之言告樓緩。樓緩曰：『虞卿能盡知秦力之所至乎？』○誠知秦力之不至，此彈丸之地，猶不予也，令秦來年復攻，王得無割其內而媾乎？○王曰：『誠聽子割矣，子能必來年秦之不復攻我乎？』樓緩對曰：『此非臣之所敢任也。昔者三晉之交於秦，相善也，今秦釋韓魏而獨攻王，王之所以事秦，必不如韓魏也，今臣爲足下解負親之攻，○啓關通（敵）幣，齊交韓魏，○至來年而王獨不取於秦，○王之所以事秦者，必在韓魏之後也，此非臣之所敢任也。』

○至猶及也。謂虞卿言秦以倦而歸，謂秦力所及止是耳。秦力豈至是而已乎。○內內地。媾同講。

○趙嘗親秦而復負之，故秦攻之，今爲媾，所以解也。○齊同也。言交秦與韓魏等。○謂不爲秦所

釋。

王以樓緩之言告虞卿曰：「樓緩言不媾，來年秦復攻，王得無更割其內而媾，今媾，樓緩又不能必秦之不復攻也，雖割何益！來年復攻，又割其力之所不能取而媾也，此自盡之術也，不如無媾。秦雖善攻，不能取六城，趙雖不能守，而不至失六城，秦倦而歸，兵必罷。○我以五城收天下以攻罷秦，是我失之於天下，而取償於秦也，吾國尙利，孰與坐而割地自弱以強秦？今樓緩曰：「秦善韓魏而攻趙者，必王之事秦，不如韓魏也。」是使王歲以六城事秦也，卽坐而地盡矣。來年秦復求割地，王將予之乎？不與，則是棄前貴，○而挑秦禍也，與之，則無地而給之；語曰：「強者善攻，而弱者不能自守。」今坐而聽秦，秦兵不敝而多得地，是強秦而弱趙也，以益愈強之秦，而割愈弱之趙，其計固不止矣。○且秦虎狼之國也，無禮

義之心，其求無已，而王之地有盡，以有盡之地，結無已之求，其勢必無趙矣，故曰此飾說也。王必勿與！王曰：『諾。』

○罷同疲；下同。

○貴，讀爲饋；前饋謂今所與秦之地。

○言割不止也。

樓緩聞之，入見於王，王又以虞卿言告之。樓緩曰：『不然，虞卿得其一，未知其二也。夫秦趙構難而天下皆說，何也？曰：「我將因強而乘弱。」今趙兵困於秦，天下之賀戰勝者，則必盡在於秦矣，故不若亟割地求和以疑天下，慰秦心，不然，天下將因秦之怒，「秦」乘趙之敝而瓜分之，「趙」且亡，何秦之圖！王以此斷之，勿復計也！』

○瓜分謂分其地如破瓜然。

虞卿聞之，又入見王曰：『危矣，樓子之爲秦也！』○夫趙兵困於秦，又割地爲和，是愈疑天下而何慰秦心哉！是不亦大示天下弱乎！且臣曰勿予者，非固勿予而已也，秦索六城於王，王以五城賂齊，齊秦之深讎也，○得王五城，并力而西擊

秦也，齊之聽王，不待辭之畢也。是王失於齊而取償於秦，一舉結三國之親，而與秦易道也。①『趙王曰：『善。』因發虞卿東見齊王，②與之謀秦。虞卿未反，秦之使者已在趙矣。③樓緩聞之逃去。

①言爲秦計深而趙勢危也。

②齊秦嘗爭爲帝，故云深讎。

③韓魏本趙與國，與齊爲三。趙割地與

秦，五國賀秦而趙孤，趙割與齊，則三國助趙而秦孤，是趙與秦易道也。

④齊王王建。

⑤秦聞趙與

齊合懼而遣使來和。

### 秦圍趙之邯鄲章

秦圍趙之邯鄲，①魏安釐王使將軍晉鄙救趙，②畏秦，止於蕩陰，③不進。魏王使客將軍辛垣衍間入邯鄲，④因平原君⑤謂趙王曰：『秦所以急圍趙者，前與齊湣王爭強爲帝，⑥已而復歸帝，以齊故，⑦今齊湣王已益弱，⑧方今唯秦雄天下，此非必貪邯鄲，其意欲求爲帝，趙誠發使尊秦昭王爲帝，秦必喜，罷兵去。』

平原君猶豫未有所決。④此時魯仲連適游趙，⑤會秦圍趙，聞魏將欲令趙尊秦爲帝，乃見平原君曰：『事將奈何矣？』平原君曰：『勝也何敢言事，百萬之衆折於外，⑥今又內圍邯鄲而不能去，魏王使將軍辛垣衍令趙帝秦，今其人在是，勝也何敢言事。』魯連曰：『始吾以君爲天下之賢公子也，吾乃今然后知君非天下之賢公子也。梁客辛垣衍安在？吾請爲君責而歸之！』平原君曰：『勝請召而見之於先生！』平原君遂見辛垣衍曰：『東國有魯連先生，其人在此，勝請爲紹介而見之於將軍。』辛垣衍曰：『吾聞魯連先生，齊國之高士也，衍人臣也，使事有職，吾不願見魯連先生也。』平原君曰：『勝已泄之矣。』⑦辛垣衍許諾。

①秦圍趙邯鄲，事在周赧王五十八年，趙孝成王九年。

②魏安釐王名圉，晉鄙魏將。秦伐趙，魏使晉

鄙將十萬衆救趙，魏憚秦，旋使人止晉鄙，留軍壁鄴，持兩端，魏公子無忌用侯生策，矯符奪晉鄙軍，使

力士朱亥袖鐵椎椎殺鄙，將以救趙，而邯鄲圍解。

③蕩陰，趙魏接壤處，地有蕩水，故名，屬河內，在今

河南。

④稱客者，衍他國人仕魏也。辛垣姓，衍名。

⑤平原君，趙武靈王之子，名勝，封於平原，故號平

原君時相趙。

④周赧王二十七年，齊湣王稱東帝，秦昭王爲西帝。

⑤蘇代說齊湣王去帝號，湣王

從之，秦因亦去帝號，其事發於齊，故曰以齊故。

⑥周赧王三十一年，秦韓魏燕趙伐齊，湣王出走莒，

至秦圍邯鄲時，湣王已卒，言今之齊比湣王時益弱也。

⑦猶豫，二獸名，性多疑，故以謂人之懷疑不

決者，疑卽尊爲帝，未必罷兵。

⑧魯仲連，見齊策孟嘗君有舍人章註。

⑨言長平之敗。

⑩兩何敢

言事，非謙詞也，寫猶豫未決也。

⑪禮，賓至，必因介以傳辭，紹，繼也，謂上介次介末介相承繼也。

⑫

泄同洩，言已白之也。

魯連見辛垣衍而無言。辛垣衍曰：『吾視居此圍城之中者，皆有求於平原

君者也，今吾視先生之玉貌，非有求於平原君者，曷爲久居此圍城之中而不去

也？』魯連曰：『世以鮑焦無從容而死者，皆非也。①今衆人不知，則爲一身。②彼

秦者，棄禮義而上首功之國也。③權使其士，虜使其民。④彼則肆然而爲帝，過而

遂正於天下。⑤則連有赴東海而死矣，吾不忍爲之民也。所爲見將軍者，欲以助

趙也。』辛垣衍曰：『先生助之奈何？』魯連曰：『吾將使梁及燕助之，齊楚則固

助之矣。』辛垣衍曰：『燕則吾請以從矣，<sup>④</sup>若乃梁，則吾乃梁人也，先生惡能使梁助之耶？』魯連曰：『梁未睹秦稱帝之害故也，使梁睹秦稱帝之害，則必助趙矣。』辛垣衍曰：『秦稱帝之害將奈何？』魯仲連曰：『昔齊威王嘗爲仁義矣，<sup>①</sup>率天下諸侯而朝周，周貧且微，諸侯莫朝，而齊獨朝之，居歲餘，周烈王崩，<sup>②</sup>諸侯皆弔，齊後往，周怒，赴於齊，<sup>③</sup>曰：「天崩地坼，天子下席，<sup>④</sup>東藩之臣田嬰齊後至，<sup>⑤</sup>則斲之！」威王勃然怒曰：「叱嗟，而母婢也！」卒爲天下笑，<sup>⑥</sup>故生則朝周，死則叱之，誠不忍其求也。彼天子固然，其無足怪。」<sup>⑦</sup>』

① 鮑焦周時隱者，抱木而死。言世不知焦乃爲非世而死，以爲無自寬容而取死，是皆非也。② 今衆

人不知已志，謂宜爲一身計而去此園城，是猶世之於焦。③ 秦制爵二十級，戰獲首級者，計功受爵。

④ 以權詐使士，以奴虜使民。⑤ 過過甚之義。正天下卽下易，大臣奪憎子愛諸事，言既爲帝，不但

威行己國，且將及於他邦，天下士民，皆須受其權虜之害。⑥ 猶言燕吾請以相從，卽舍此不論意。

⑦ 齊威王名嬰齊，桓公子。⑧ 周烈王名喜。⑨ 赴告也。⑩ 天子謂烈王子安王驕也。下席言其廢

苦居廬。

①田嬰齊威王姓名。

②斲音捉（出又己）亦讀勺，斬也。

③而汝也。罵周王母爲婢，賤

之之詞。

④笑，笑威王之前朝後叱，真相畢露也。

⑤言爲天子理應如此，以見權之不可假人也。

辛垣衍曰：『先生獨未見夫僕乎？十人而從一人者，寧力不勝智不若耶？畏之也。』魯仲連曰：『然梁之比於秦若僕耶？』辛垣衍曰：『然。』魯仲連曰：『然吾將使秦王烹醢梁王！』辛垣衍怏然不悅。曰：『嘻，亦太甚矣，先生之言也！先生又惡能使秦王烹醢梁王？』魯仲連曰：『固也，待吾言之！昔者鬼侯、鄂侯、鄂侯文王，紂之三公也，鬼侯有子而好，故入之於紂，紂以爲惡，醢鬼侯。鄂侯爭之急，辨之疾，故脯鄂侯。文王聞之，喟然而歎，故拘之於牖里之（車）庫。百日而欲舍之死。曷爲與人俱稱帝王，卒就脯醢之地也？齊閔王將之魯，夷維子執策而從。謂魯人曰：『子將何以待吾君？』魯人曰：『吾將以十太牢待子之君。』維子曰：『子安取禮而來待吾君？彼吾君者，天子也，天子巡狩，諸侯辟舍，納于筦鍵，攝衽抱兒，視膳於堂下，天子已食，退而聽朝也。』魯人投其籥，

不果納，不得入於魯；將之薛，<sup>①</sup>假涂於鄒，<sup>②</sup>當是時，鄒君死，閔王欲入弔，夷維子謂鄒之孤曰：「天子弔，主人必將倍殯柩，設北面於南方，然后天子南面弔也。」<sup>③</sup>鄒之羣臣曰：「必若此，吾將伏劍而死！」故不敢入於鄒；鄒魯之臣，生則不得事養，死則不得飯含，然且欲行天子之禮於鄒魯之臣，不果納。<sup>④</sup>今秦萬乘之國，梁亦萬乘之國，俱據萬乘之國，交有稱王之名，賭其一戰而勝，欲從而帝之，是使三晉之大臣，不如鄒魯之僕妾也。且秦無已而帝，<sup>⑤</sup>則且變易諸侯之大臣，彼將奪其所謂不肖，而予其所謂賢，奪其所憎，而與其所愛；彼又將使其子女讒妾，爲諸侯妃姬，處梁之宮，梁王安得晏然而已乎，而將軍又何以得故寵乎！於是辛垣衍起，再拜謝曰：「始以先生爲庸人，吾乃今日而知先生爲天下之士也！吾請去，不敢復言帝秦！」秦將聞之，爲卻軍五十里，適會魏公子無忌，奪晉鄙軍以救趙，擊秦，秦軍引而去。<sup>⑥</sup>

① 然下略一則字，下烹醢句同。

② 怏然，猶言悵然，意不滿也。

③ 鬼侯，一作九侯。

④ 子女，女不

好淫，紂怒殺之。

⑤脯，殺而以其肉爲脯也。

⑥靡里，一作美里，在今河南湯陰縣北，紂囚文王於此。

⑦舍置也。欲舍之死，猶言欲置之死也。

⑧維，古萊夷之維邑，今山東濰縣，其居夷也，故曰夷維子。

男子之美稱。策馬箠也。

⑨此蓋待諸侯之禮。

⑩言子何所取此禮來待吾君。

⑪辟舍，謂避正朝

而外舍，言不敢有其國也。

⑫納繳也。筦鑰也。

⑬薛國名，今山東滕縣。

⑭鄒國名，今山東鄒縣。

⑮倍與背同。主人不在殯東，將背其殯棺，立西階上北面哭，天子乃於阼階上南面弔之。

⑯事養謂

事老養幼也。以米實死者口中曰飯，以珠玉曰含。謂魯鄒國小，其臣貧弱，不能備生死之禮，然齊欲行

天子禮於鄒魯，其臣猶皆拒而不納也。

⑰無已，必欲爲之而不止也。

⑱公子無忌，魏昭王少子，封

信陵君，以賢稱，參閱前晉鄙註。

於是平原君欲封魯仲連，魯仲連辭讓者三，終不肯受。平原君乃置酒，酒酣，起前以千金爲魯連壽。魯連笑曰：『所貴於天下之士者，爲人排患釋難解紛亂而無所取也；卽有所取者，是商賈之人也。仲連不忍爲也！』遂辭平原君而去，終身不復見。

○以金帛贈人曰壽。

魏，姬姓，侯爵，文王子畢公高之後，世爲晉卿，周威烈王二十三年，始命魏斯爲諸侯，有今河南北部山西西南部之地，國於安邑，在今山西夏縣北，周顯王十三年，惠王始稱王，後徙都大梁，卽今河南開封縣，改國號曰梁，傳至王假，於秦始皇二十二年，爲秦所滅。

### 魏武侯與諸大夫章

魏武侯與諸大夫浮於西河，○稱曰：『河山之險，豈不亦信固哉？』王鍾侍王，○曰：『此晉國之所以強也，若善脩之，則霸王之業○具矣。』吳起○對曰：『吾君之言，危國之道也，而子又附之，是重危也。』武侯忿然曰：『子之言有說乎？』吳起對曰：『河山之險，信不足保也，是伯王之業，不從此也。昔者三苗之居，⑤左彭蠡之波，⑥右〔有〕洞庭之水，⑦文山在其南，⑧而衡山在其北，⑨恃此險也，爲政不善，而禹放逐之；夫夏桀之國，左天門之陰，⑩而右天谿之陽，⑪廬澤在其

北，<sup>①</sup>伊洛出其南，<sup>②</sup>有此險也，然爲政不善，而湯伐之；殷紂之國，左孟門而右漳釜，<sup>③</sup>前帶河，後被山，有此險也，然爲政不善，而武王伐之。且君親從臣而勝降城，城非不高也，人民非不衆也，然而可得并者，政惡故也。從是觀之，地形險阻，奚足以霸王矣！武侯曰：『善，吾乃今日聞聖人之言也，西河之政，專委之子矣。』<sup>④</sup>

①魏武侯文侯子，名擊。西河即今河南陝西間之黃河，在冀州西，故名西河。②王鍾人名鍾，一作錯。

③王去聲，有天下曰王下同。④吳起見秦策蔡澤見逐章註。⑤三苗見秦策蘇秦始將連橫章

註。⑥彭蠡即鄱陽湖，在今江西省北境。⑦洞庭見楚策蘇秦爲趙合從說楚章註。⑧文山未詳。

史記作岷山，或遠言之；一說，當作岐山，在陝西岐山縣東北，南爲北字之誤。⑨衡山五岳之南嶽，在

湖南衡山縣西北；一說，北爲南字之誤。⑩天門山名，在河南修武縣西北四十里，兩山對峙，其狀如

門；一說，即史太華伊闕，彼言右，故此言左之陰。⑪天谿未詳，或謂即天池，在山西靜樂縣西北；一說，

天谿即河濟，彼言左，故此言右之陽。⑫廬峯未詳。⑬伊水名，出河南盧氏縣東南，至偃師縣人於

洛，洛水出陝西雒南縣北冢嶺山，東流人河南，至鞏縣入河。⑭孟門在太行山東，爲太行隘道之名。

世必有以高臺陂池亡其國者。⊕「今主君之尊，儀狄之酒也，主君之味，易牙之調也，左白台而右閭須，⊕南威之美也，前夾林而後蘭臺，強臺之樂也，有一於此，足以亡其國，今主君兼此四者，可無戒與！」梁王稱善相屬。⊕

⊖梁王卽魏惠王。嬰王名，一作營。范臺、梁臺名。事在周顯王十三年。魏惠王十五年，時魯衛宋鄭君來朝，蓋惠王方強也。⊕魯君魯共公名奮。⊕擇言擇善而言也。⊕帝女蓋堯舜女。儀狄禹時人，善

作酒。

⊕噉音欠（く一弓），口有所銜也。不噉不喜食也。

⊕易牙春秋時人，善調味，桓公用爲寺

人，甚見親幸。有汁而乾曰煎，乾煎曰熬，肉燕之曰燔，近火曰炙。

⊕晉文公名重耳，五霸之一。南威美

女名，之語助詞。

⊕楚王一作昭王；又作莊王。強臺或謂卽章華臺，然章華爲楚靈王作，又非莊王矣。

崩山未詳；一作崇山。

⊕臨從上視下，彷徨徘徊也。

⊕澤障曰陂，止水曰池。

⊕白台閭須皆美人。

⊕屬續也。稱善相屬謂稱善不置也。

蘇子爲趙合從說魏章

蘇子爲趙合從，說魏王曰：「大王之塞，南有鴻溝陳汝南，有許鄆，昆陽邵陵舞陽新鄆，東有淮潁沂黃賁棗海鹽無疎，西有長城之界，北有河外卷衍燕酸棗，塞方千里，塞名雖小，然而廬田廡舍，曾無所芻牧牛馬之地，人民之衆，車馬之多，日夜行不休已，無以異於三軍之衆，臣竊料之，大王之國，不下於楚。然橫人謀王，外交強虎狼之秦，以侵天下，卒有國患，不被其禍，夫挾強秦之勢，以內劫其主，罪無過此者。且魏，天下之強國也，大王，天下之賢主也，今乃有意西面而事秦，稱東藩，築帝宮，受冠帶，祠春秋，臣竊爲大王媿之！」

○蘇子，卽蘇秦。魏王，襄王，名赫。時周顯王三十六年，魏襄王二年。

○塞，古地字。

○鴻溝，卽今賈魯

河，在河南境，古名浪蕩渠，汴水之分流也。陳，今河南淮陽縣，魏地不至此，蓋誇言之。汝南，地名，後爲郡，

故治在今河南汝南縣東南。許鄆，並見秦策。頃襄王二十年章註。昆陽，卽今河南葉縣。邵陵，卽召陵，見

秦策。頃襄王二十年章註。舞陽，今河南舞陽縣。新鄆，故城在今安徽阜陽縣東南。淮水名，見齊策

蘇子自燕之齊章註。魏地不至淮，蓋誇言之。潁水名，出河南登封縣，東南入安徽至壽縣入淮。沂水名，

出山東蒙陰縣南，入江蘇注於運河，魏地不至沂，亦誇言之。黃卽外黃，故城在今河南杞縣東。一說沂

黃二字疑衍。煮棗故城在今山東荷澤縣西。海鹽未詳，史記無疑衍。無疎一作無胥；一說疑卽宿胥之

口。⑤長城之界自鄭濱洛以北至固陽，秦魏之界也，魏築長城塞固陽卽此。⑥河外乃秦漢之東

郡地，在大梁東北者。卷衍不知何處，蓋亦東郡左右地。燕不詳，或無。酸棗見秦策頃襄王二十年章註。

⑦橫人主連橫者。謀王爲王謀也。⑧魏在秦之東，事秦則爲東方之藩臣，故上云西面事秦，下云

稱東藩。⑨言爲秦築宮，備其巡狩而舍之，故謂之帝宮。⑩言冠帶制度皆從秦制。⑪言春秋貢

奉，以助秦祠祭。

臣聞越王勾踐以散卒三千禽夫差於干遂，①武王卒三千人，革車三百乘，

斬紂於牧之野，②豈其士卒衆哉，誠能振其威也，今竊聞大王之卒，武力二十餘

萬，③蒼頭二〔千〕十萬，④奮擊二十萬，⑤厮徒十萬，⑥車六百乘，騎五千疋，此

其過越王勾踐武王遠矣，今乃劫於辟臣之說，⑦而欲臣事秦，夫事秦必割地效

質，⑧故兵未用而國已虧矣，凡羣臣之言事秦者，皆姦臣，非忠臣也；夫爲人臣割

其主之壘以求外交，偷取一旦之功而不顧其後，破公家而成私門，外挾彊秦之勢，以內劫其主，以求割壘，願大王之熟察之也！周書曰：「繇繇不絕，縵縵奈何，毫毛不拔，將成斧柯，前慮不定，後有大患，將奈之何！」④大王誠能聽臣，六國從親，專心并力，則必無強秦之患。故敝邑趙王使使臣獻愚計，⑤奉明約，在大王詔之！

①越王勾踐禽夫差事，見秦策昭王既息民章註。千遂即千隧，見秦策頃襄王二十年章註。②牧之

野即牧野，在今河南淇縣南，周武王克紂於此，遂滅商。③武力武卒也；史記作武士。④蒼頭，兵卒

之號，以青巾裹頭，示異於衆。⑤奮擊，見秦策蘇秦始將連橫章註。⑥廝，讀如斯，廝徒謂烹炊供養

雜役。⑦辟臣，一作羣臣。⑧效質，獻質子也。⑨周書，不詳何書，家語載周廟金人之銘曰：「焰焰

不滅，炎炎若何，涓涓不壅，終爲江河，綿綿不絕，或成網羅，毫毛不札，將尋斧柯。」文與此相類。繇繇，不

絕貌。縵，與蔓通，延也。毫毛不拔，喻樹之萌也。柯，斧柄也。⑩趙王，肅侯也。

魏王曰：「寡人不肖，未嘗得聞明教，今主君①以趙王之詔詔之，敬以國從！」

○主君見齊策蘇秦爲趙合從說齊章註。

張儀爲秦連橫說魏章

張儀爲秦連橫，說魏王。○曰：『魏地方不至千里，卒不過三十萬人，崆四平，諸侯四通，條達輻湊，○無有名山大川之阻，從鄭至梁，不過百里，從陳至梁，二百餘里，○馬馳人趨，不待倦而至梁。南與楚境，西與韓境，北與趙境，東與齊境，卒戍四方，○守亭障者參列，○粟糧漕庾，○不下十萬。魏之崆勢，故戰場也，魏南與楚而不與齊，則齊攻其東，東與齊而不與趙，則趙攻其北，不合於韓，則韓攻其西，不親於楚，則楚攻其南，此所謂四分五裂之道也。』

○魏王哀王也。時周慎靚王四年，魏哀王二年。○湊聚也，言如車輻之聚於轂也。○史記祇有從

鄭至梁二百餘里，無中間二句，今新鄭至開封二百二十里，似史記爲是。○魏之四境，無山川關塞

皆以卒戍守，故云卒戍四方。○亭障，塞上險扼處，築亭置障，使人守之也。○漕水運，庾倉之無屋

者。

且夫諸侯之爲從者，以安社稷，尊主強兵顯名也。合從者，一天下，約爲兄弟，刑白馬以盟於洹水之上，<sup>①</sup>以相堅也。夫親昆弟同父母，尙有爭錢財，而欲恃詐僞反覆蘇秦之餘謀，<sup>②</sup>其不可以成亦明矣。大王不事秦，秦下兵攻河外，拔卷衍燕酸棗，<sup>③</sup>劫衛取〔晉〕陽，<sup>④</sup>則趙不南，趙不南，則魏不北，<sup>⑤</sup>魏不北，則從道絕，從道絕，則大王之國，欲求無危，不可得也。秦挾韓而攻魏，韓劫於秦，不敢不聽，秦韓爲一國，魏之亡可立而須也。<sup>⑥</sup>此臣之所以爲大王患也。爲大王計，莫如事秦，事秦則楚韓必不敢動，無楚韓之患，則大王高枕而臥，國必無憂矣。

①洹水見趙策蘇秦從燕之趙章註。

②時蘇秦已爲齊所殺，故曰餘謀。

③河外卷衍燕酸棗並見

前章註。

④陽晉見齊策蘇秦爲趙合從說齊章註。

⑤主從者趙，故不言其他。

⑥須待也。

且夫秦之所欲弱，莫如楚，而能弱楚者莫若魏，楚雖有富大之名，其實空虛，其卒雖衆，多言而輕走易北，<sup>①</sup>不敢堅戰，魏之兵南面而伐，勝楚必矣，夫虧楚而

益魏，攻楚而適秦，○內嫁禍安國，此善事也。大王不聽臣，秦甲出而東，雖欲事秦而不可得也。

○或本多字屬上句，言字爲然字。易北，易敗北也。  
○適秦，適秦弱楚之欲。

且夫從人多奮辭而寡可信，○說一諸侯之王，出而乘其車，約一國而反，成而封侯之基，是故天下之遊士，莫不日夜搯腕瞋目切齒，○以言從之便，以說人主；主人主覽其辭，牽其說，惡得無眩哉！○臣聞積羽沉舟，羣輕折軸，衆口鑠金，○故願大王之熟計之也！

○從人主合從者奮辭大言也。

○搯，音尼（己），與扼通。搯腕，把持其腕也，憤怒貌。

○眩，迷惑也。

○鑠，式約切（尸又己），以火銷金也。言衆口所毀，雖金石猶可銷。

魏王曰：『寡人蠢愚，○前計失之，請稱東藩，築帝宮，受冠帶，祠春秋，効河外！』  
○蠢，春上聲，與蠢通，亦愚也。

秦敗魏於華魏王且入朝章

秦敗魏於華，魏王且入朝於秦。周訢謂王曰：『宋人有學者，三年反而名其母，其母曰：「子學三年，反而名我者，何也？」其子曰：「吾所賢者，無過堯舜，堯舜名，吾所大者，無大天地，天地名，今母賢不過堯舜，母大不過天地，是以名母也。」其母曰：「子之於學者，將盡行之乎，願子之有以易名母也。」子之於學也，將有所不行乎，願子之且以名母爲後也。」今王之事秦，尙有可以易入朝者乎？願王之有以易之，而以入朝爲後。』

○華，卽華陽，在今河南新鄭縣南。周赧王四十二年，魏安釐王四年，秦白起擊魏華陽軍，芒卯走，得三晉將，斬首十五萬。

○魏王，安釐王圍。

○周訢，周人，仕魏。

○於其所學也。

魏王曰：『子患寡人入而不出邪？許綰爲我祝曰，入而不出，請殉寡人以頭。』周訢對曰：『如臣之賤也，今人有謂臣曰，入不測之淵而必出，不出請以一鼠首爲女殉者，臣必不爲也，今秦不可知之國也，猶不測之淵也，而許綰之首，』

猶鼠首也。內<sup>③</sup>王於不可知之秦，而殉王以鼠首，臣竊爲王不取也。且無梁孰與無河內急<sup>④</sup>？王曰：『梁急。』『無梁孰與無身急？』王曰：『身急。』曰：『以三者，身上也，河內其下也，秦未索其下，而王效其上，可乎？』王尙未聽也。支期<sup>⑤</sup>曰：『王視楚王！』楚王入秦，王以三乘先之，<sup>⑥</sup>楚王不入，楚魏爲一，尙足以捍秦。』王乃止。

① 許綰魏人；或云卽長信侯。

② 女同汝。

③ 內同納；下同。

④ 河內見秦策頃襄王二十年章註。

⑤ 支期魏人。

⑥ 楚王頃襄王橫。

⑦ 先之先楚至秦也。

王謂支期曰：『吾始已諾於應侯矣，今不行者欺之矣。』支期曰：『王勿憂也，臣使長信侯請無內王。』王待臣也。支期說於長信侯曰：『王命召相國。』長信侯曰：『王何以臣爲？』支期曰：『臣不知也，王急召君。』長信侯曰：『吾內王於秦者，寧以爲秦邪，吾以爲魏也。』支期曰：『君無爲魏計，君其自爲計，且安死乎？』安生乎？安窮乎？安貴乎？君其先自爲計，後爲魏計。』長信侯曰：『樓公將』

入矣。③臣今從。④支期曰：『王急召君，君不行，血濺君襟矣！』長信侯行，支期隨其後。且見王，支期先入謂王曰：『僞病者乎而見之。』⑤臣已恐之矣。』長信侯入見王，王曰：『病甚奈何，吾始已諾於應侯矣，意雖道死，行乎？』⑥長信侯曰：『王毋行矣！臣能得之於應侯。』⑦願王無憂！』

①長信侯，魏相之善應侯者。

②且將也。

③樓公，樓緩也；或謂樓鼻樓梧皆此時人，未知確指。將入

言將至。

④言將從樓公而入。

⑤令王見而辭疾也。

⑥意與抑通。言雖死於路，猶將行也。

⑦言

能使應侯止王之行也。

### 華軍之戰魏不勝章

華軍之戰，①魏不勝秦，明年，將使段干崇割地而講。②孫臣謂魏王曰：

『魏不以敗之上割，③可謂善用不勝矣，而秦不以勝之上割，可謂不能用勝矣。今處期年乃欲割，是羣臣之私。』④而王不知也。且夫欲璽者，⑤段干子也，王因使

之割地，欲地者，秦也，而王因使之受璽，夫欲璽者制地，而欲地者制璽，其勢必無魏矣。且夫姦臣固皆欲以地事秦，以地事秦，譬猶抱薪而救火也，薪不盡，則火不止，今王之<sub>有</sub>盡，而秦之<sub>求</sub>無窮，是薪火之說也。』魏王曰：『善。雖然，吾已許秦矣，不可以革也。』對曰：『王獨不見夫博者之用梟邪？欲食則食，欲握則握，今君劫於羣臣而許秦，因曰不可革，何用智之不若梟也！』魏王曰：『善。』乃案其行。⑩

① 華軍之戰，即秦收魏於華陽事。

② 段干崇，魏人。

③ 孫臣，魏人。魏王，即安釐王。

④ 上謂當其時。

割地也。⑤ 私謂自爲計。

⑥ 欲璽，謂段干崇欲得秦封，受其璽也。

⑦ 革，更也。

⑧ 博局以五木

爲散，有梟盧雉犢塞五者之采，梟爲最勝，得梟者合食其子。

⑨ 食者，行棋。握不食也。言欲食則食，不

宜食則握也。

⑩ 案止也。止段干崇勿使秦割地以講也。

魏將與秦攻韓朱已章

魏將與秦攻韓，○朱已○謂魏王曰：「秦與戎翟同俗，有虎狼之心，貪戾好利而無信，不識禮義德行，苟有利焉，不顧親戚兄弟，若禽獸耳，此天下之所同知也，非所施厚積德也；故太后，母也，而以憂死，○穰侯，舅也，功莫大焉，而竟逐之，○兩弟無罪而再奪之國，○此於其親戚兄弟若此，而又況於仇讎之敵國也。今大王與秦伐韓而益近秦，臣甚或之，○而王弗識也，則不明矣，羣臣知之而莫以此諫，則不忠矣。」

○魏嘗失地於韓，至是魏與秦相親，因欲伐韓，以求故地，時周赧王五十年，魏安釐王十二年。○朱已，無忌之訛，即信陵君也。○太后，秦昭襄王母華氏，即宣太后，周赧王四十九年，秦王用范雎之說，

廢太后，明年，太后以憂死。

○穰侯，即魏冉，昭王親舅，有功於國，秦王用范雎之說，逐穰侯。

○兩弟，

謂高陵君涇陽君，秦王用范雎之說出高陵涇陽於關外。三事詳見秦策范雎至章註。○或與惑同。

今夫韓氏以一女子承一弱主，○內有大亂，外安能支強秦魏之兵，王以爲不破乎？韓亡，秦盡有鄭地，○與大梁鄰，王以爲安乎？王欲得故地，而今負強秦之

禍也。①王以爲利乎？秦非無事之國也。②韓亡之後，必且便事。③便事，必就易與利，就易與利，必不伐楚與趙矣。是何也？夫越山踰河，絕韓之上黨而攻強趙，④則是復闕與之事也。⑤秦必不爲也。若道河內，⑥倍鄴朝歌，⑦絕漳滏之水，⑧而以與趙兵決勝於邯鄲之郊，⑨是受智伯之禍也。⑩秦又不敢伐楚，道涉「而」谷，⑪行三「十」千里而攻「危」，⑫阻隘之塞，⑬所行者甚遠，而所攻者甚難，秦又弗爲也。若道河外，背大梁，⑭而右上蔡召陵，⑮以與楚兵決於陳郊，⑯秦又不敢也。故曰：秦必不伐楚與趙矣，又不攻衛與齊矣。⑰韓亡之後，兵出之日，非魏無攻矣。秦故有懷地刑丘「一之」，⑱安城垓津，⑲而以之臨河內，河內之共汲，⑳莫不危矣。秦有鄭地，得垣雍，㉑決滎澤而水大梁，㉒大梁必亡矣。㉓王之使者大過矣，乃惡安陵氏於秦。㉔秦之欲許之久矣，㉕然而秦之葉陽、昆陽與舞陽「高陵」鄰，㉖聽使者之惡也，隨安陵氏而欲亡之。㉗秦繞舞陽之北以東臨許，則南國必危矣。㉘南國雖無危，則魏國豈得安哉！且夫憎韓不受安陵氏，㉙可也，夫不患秦之

不愛南國，非也。

①時韓桓惠王立八年，母后用事。

②時鄭亡屬韓。

③負擔荷之意。

④無事之國，言非愛和平之

國。⑤便事，更興事端。

⑥上黨，見西周策犀武敗於伊闕章註。

⑦闕，地名，在今山西和順縣西，

趙奢曾敗秦於此。

⑧河內，見秦策頃襄王二十年章註。

⑨鄴，故城在今河南臨漳縣西。朝歌，紂都，

故城在今河南淇縣。

⑩漳水，見趙策蘇秦從燕之趙章註。滏水，見魏武侯與諸大夫章註。

⑪邯鄲，

見秦策濮陽人呂不韋章註。

⑫趙襄子與韓魏相結滅智伯軍於晉陽城下，事詳趙策。

⑬道從也。

涉谷，地名，秦兵往楚之險路，蓋秦兵向楚有兩道，一河外，爲東道，一卽涉谷，是西道。

⑭隄隘之塞，卽

楚策莊辛謂楚襄王章之隄塞，韓策作灑隘，燕策作鄆隘，皆一地也。

⑮河外，見秦策頃襄王二十年

章註。從河外出函谷關，歷河南陝縣，東至鄭縣，南向淮陽，則背大梁也。

⑯上蔡，召陵，並見秦策頃襄

王二十年章註。從鄭縣南行向淮陽之西郊，則上蔡、召陵在南，面向東，皆身之右。

⑰陳，今河南淮陽

縣。⑱衡齊皆在韓、魏、趙之東，故秦不攻。⑲懷，周畿內邑，戰國屬魏，故城在今河南武陟縣西南。地

史記作茅，故茅城在今河南獲嘉縣東北。刑丘，卽邢丘，見秦策范雎至章註。安城，故城在今河南原武

縣西南坳津，即延津，故城在今河南汲縣南。①其今河南輝縣，汲故城在今河南汲縣西南。②垣

雍故城在今河南原武縣西北。③滎澤在今河南河陰縣西，言秦有鄭地得垣雍城，從滎澤決溝灌

大梁也；後王賁滅魏，果用此策。④上言韓亡後，秦以就易與利而攻魏之二路。⑤安陵氏，魏之附

庸，即古鄆陵，今河南鄆陵縣西北有安陵故城，非楚之安陵也。安陵氏乃魏之不欲攻韓者，與羣臣異

故惡之於秦。⑥許，故許國，亡屬韓。⑦葉陽，今河南葉縣。昆陽故城在今河南葉縣北。舞陽故城在

今河南舞陽縣西。⑧言秦將從使者之惡，先亡安陵，繼亡許。⑨南國，今河南許昌縣東之許昌故

城，此時屬韓，在魏之南，故云。⑩不受猶不容，絕也。言憎韓而絕安陵氏猶可。

異日者，秦乃在河西，①晉國之去梁也，千里有餘，②有河山以蘭之，③有周

韓而閒之，從林軍以至於今，④秦十攻魏，五入國中，⑤邊城盡拔，文臺墮，⑥垂都

焚，⑦林木伐，麋鹿盡，而國繼以圍，⑧又長驅梁北，東至陶衛之郊，⑨北至「乎」

平闕，⑩所亡乎秦者，山北河外河內，⑪大縣數百，名都數十；秦乃在河西，晉國之

去大梁也，尚千里，而禍若是矣，又況於使秦無韓，⑫而有鄭地，無河山以蘭之，無

周韓以閒之，去大梁百里，禍必百此矣。異日者從之不成矣，楚魏疑而韓不可得而約也。

○河西卽西河之外，今陝西大荔宜川等縣地。

○國國都去梁千里，謂都絳安邑時。

○蘭與闌同。

遮隔也。

○林軍史記作林鄉，故城在今河南新鄭縣東。言從林之一役以至今。

○國中史記作圍。

中，卽圃田，在今河南中牟縣西北。

○文臺臺名，在今山東荷澤縣西北。墮壞也。

○垂都亦名犬丘。

句陽有垂都亭，句陽故城在今山東曹縣北。

○周赧王四十年，穰侯圍大梁。

○陶今山東定陶縣。

衛卽楚丘，故城在今河南滑縣東。衛在河淇之間，與陶接。

○平卽平陸，在今山東汶上縣北。闕卽今

汶上縣西南闕亭。

○山北華山之北也。河外謂華縣以東至陝虢。河內謂永濟以東至懷衛。

○無

一說，當爲亡，乃聲之誤。

今韓受兵三年矣，○秦撓之以講，○韓知亡，猶弗聽，投質於趙，而請爲天下鴈行頓刃，以臣之觀之，則楚趙必與之攻矣。此何也？則皆知秦之無窮也，非盡亡天下之兵，而臣海內之民，必不休矣。是故臣願以從事乎王，○王速受楚趙之約，

而挾韓魏之質，以存韓爲務，因求故地於韓，韓必效之，如此則士民不勞而故地得，其功多於與秦共伐韓，然而無與強秦鄰之禍；夫存韓安魏而利天下，此亦王之大時已。通韓之上黨於共莫，<sup>④</sup>使道已通，因而關之，出入者賦之，<sup>⑤</sup>是魏重質韓以其上黨也，共有其賦，<sup>⑥</sup>足以富國，韓必德魏愛魏，重魏畏魏，韓必不敢反魏，韓是魏之縣也，魏得韓以爲縣，則衛大梁河外必安矣；<sup>⑦</sup>今不存韓，則二周必危，安陵必易，<sup>⑧</sup>楚趙（楚）大破，衛齊甚畏，<sup>⑨</sup>天下之西鄉而馳秦，入朝爲臣之日不久。」

①受兵受秦兵也。

②秦以求地撓使媾和也。

③以合從事王也。

④共莫，<sup>△</sup>史記作共寧，共見前，寧

卽寧邑，故城在今河南修武縣東。

⑤關之，<sup>△</sup>譏察行旅也。賦之，<sup>△</sup>征取商賈也。

⑥韓魏共之。

⑦時衛

已附梁。

⑧易，<sup>△</sup>易而爲秦有。

⑨言皆爲秦所制也。

### 信陵君殺晉鄙章

信陵君殺晉鄙，救邯鄲，破秦人，存趙國，趙王自郊迎。○唐且○謂信陵君曰：「臣聞之曰：『事有不可知者，有不可不知者，有不可忘者，有不可不忘者。』」信陵君曰：「何謂也？」對曰：「人之憎我也，不可不知也；吾憎人也，不可得而知也；○人之有德於我也，不可忘也；吾有德於人也，不可不忘也。今君殺晉鄙，救邯鄲，破秦人，存趙國，此大德也，今趙王自郊迎，卒然見趙王，臣願君之忘之也。」○信陵君曰：「無忌謹受教！」

○趙王孝成王丹郊迎，迎於郊外也。

○唐且，魏人；或作唐睢。

○言不可使人知吾憎之也。

○戒

毋顯德色。

### 秦王使人謂安陵君章

秦王使人謂安陵君○曰：「寡人欲以五百里之地易安陵，安陵君其許寡人！」安陵君曰：「大王加惠，以大易小，甚善；雖然，受地於先（生）王，○願終守

之弗敢易！』秦王不說，安陵君因使唐且使於秦。

○秦王始皇政時未稱帝，故曰秦王。○安陵小國名，屬於魏，或作鄢陵，即今河南鄢陵縣西北之地。安陵君安陵國之君也。○此唐且與前章之唐且爲二人。

秦王謂唐且曰：『寡人以五百里之地易安陵，安陵君不聽寡人，何也？且秦滅韓亡魏，○而君以五十里之地存者，以君爲長者。○故不錯意也。○今吾以十倍之地，請廣於君，○而君逆寡人者，輕寡人與？』唐且對曰：『否，非若是也！安陵君受地於先王，○而守之，雖千里不敢易也，豈直五百里哉？』

○始皇十七年滅韓，二十二年亡魏。○長者，謹厚者之稱。○錯意，置意也。○廣，謂廣其地，設辭易地而廣之，實欲得之也。○直，特也。

秦王怫然怒，謂唐且曰：『公亦嘗聞天子之怒乎？』唐且對曰：『臣未嘗聞也。』秦王曰：『天子之怒，伏屍百萬，流血千里。』唐且曰：『大王嘗聞布衣之怒乎？』秦王曰：『布衣之怒，亦免冠徒跣，以頭搶地爾。』唐且曰：『此庸夫之怒』

也，非士之怒也。夫專諸之刺王僚也，彗星襲月，①聶政之刺韓傀也，②白虹貫日，要離之刺慶忌也，倉鷹擊於殿上，③此三子者，皆布衣之士也，懷怒未發，休祲降於天，④與臣而將四矣。若士必怒，伏屍二人，流血五步，天下縞素，今日是也。』挺劍而起。

①徒跌赤足也。搶突也。言觸士之怒，不過如是即和解矣。

②專諸，刺客，吳堂邑人。王僚，吳王壽夢第

三子夷昧之子。壽夢四子，季札最少而賢，壽夢欲立之，札不受，其三兄相約依次而立以傳札，及夷昧薨，札又不肯立，故王僚嗣位。公子光以己爲壽夢長子，諸樊之子，季札既不立，己當立，因使專諸藏匕首於魚腹中，以進王僚，因刺殺之，事見左傳昭公二十七年。彗星，後曳長尾如彗，故名。③聶政，刺韓傀，事詳韓策。④要離，吳人，刺客也。慶忌，王僚子，以勇聞。公子光既弑王僚，立爲王，是爲闔閭，欲殺慶忌，使要離刺之，要離詐以罪亡，令闔閭焚其妻子，因走見慶忌，以劍刺之，見吳越春秋。倉與蒼同。⑤休，吉徵，禳，精氣感祥也。以上三事，自三子言之爲吉。

秦王色撓，①長跪而謝之曰：『先生坐，何至於此！寡人諭矣。』②夫韓魏滅亡

而安陵以五十里之地存者，徒以有先生也。」

○撓<sup>△</sup>屈也。

○諭<sup>△</sup>曉也。

## 韓

韓，姬姓，侯爵，晉之支族，世爲晉卿，周威烈王二十三年，始命韓虔爲諸侯，有今河南中部及山西澤潞之地，國於平陽，今山西臨汾縣，後徙都鄭，今河南新鄭縣，周顯王時，宣惠王始稱王，傳至王安，於秦始皇十七年，爲秦所滅。

## 韓傀相韓章

韓傀相韓，①嚴遂重於君，②二人相害也。③嚴遂政議④直指，舉韓傀之過，韓傀以之叱之於朝，嚴遂拔劍趨之，以救解。於是嚴遂懼誅，亡去游，求人可以報韓傀者。至齊，齊人或言：「軹深井里聶政勇敢士也，⑤避仇隱於屠者之間。」嚴遂陰交於聶政，以意厚之。聶政問曰：「子欲安用我乎？」嚴遂曰：「吾得爲役之日淺，事今薄，⑥奚敢有請！」於是嚴遂乃具酒觴聶政母前，仲子奉黃金百鎰，前爲聶政母壽，聶政驚，愈恠其厚，固謝嚴仲子，仲子固進，而聶政謝曰：「臣有老母，

家貧，客游以爲狗屠，可旦夕得甘脆<sup>④</sup>以養親，親供養備，義不敢當仲子之賜。嚴仲子辟人<sup>⑤</sup>，因爲聶政語曰：「臣有仇，而行游諸侯衆矣，然至齊，聞足下義甚高，故直進百金者，特以爲夫人蠶繻之費<sup>⑥</sup>，以交足下之驩，豈敢以有求邪！」聶政曰：「臣所以降志辱身居市井者，徒幸而養老母，老母在，政身未敢以許人也。」嚴仲子固讓，聶政竟不肯受。然仲子卒備賓主之禮而去。

① 傀，音魁（ㄎㄨㄞˋ），韓傀，韓相；一作俠累，又作韓廐，或韓保。② 嚴，遂字仲子。③ 矜，貴，一恃寵。

故各不相下。④ 政，正同。⑤ 軹，今河南濟源縣南軹村，深井里，村人里名。⑥ 薄，猶迫也。或謂今下

當有未字。⑦ 甘美也。脆，促銳切（ㄑㄩㄢˋ），物之易斷者。⑧ 辟，猶屏，謂屏去他人而與之言也。

⑨ 古者尊大嫗爲夫人，此指政母。⑩ 禮曲禮：「父母存，不許友以死。」政有老母，故云然。

久之，聶政母死，既葬，除服，聶政曰：「嗟乎！政乃市井之人，鼓刀以屠，而嚴仲子乃諸侯之卿相也，不遠千里，枉車騎而交臣，臣之所以待之至淺鮮矣，未有大功可以稱者，而嚴仲子舉百金爲親壽，我雖不受，然是深知政也；夫賢者以感

忿睚眦之意，而親信窮僻之人，而政獨安可嘿然而止乎。且前日要政，政徒以老母，老母今以天年終，政將爲知己者用。」

○市井史記注謂古未有市，若朝聚井汲，便將貨物於井邊貨賣曰市井，白虎通言因井爲市，風俗通言人至市有所鬻賣者，當於井上洗濯令潔，乃到市說各不同。○睚眦怒目相視也。○要，要約也。

遂西至濮陽，見嚴仲子曰：「前所以不許仲子者，徒以親在，今親不幸，仲子所欲報仇者爲誰？」嚴仲子具告曰：「臣之仇韓相傀，傀又韓君之季父也。宗族盛，兵衛設，臣使人刺之，終莫能就，今足下幸而不棄，請益具車騎壯士，以爲羽翼！」政曰：「韓與衛中間不遠，今殺人之相，相又國君之親，此其勢不可以多人，多人不能無生得，一失生得一失，則語泄，語泄則韓舉國而與仲子爲讎也，豈不殆哉！」遂謝車騎人徒，辭獨行，仗劍至韓，韓適有東孟之會，韓王及相皆在焉，持兵戟而衛者甚衆，聶政直入上階刺韓傀，韓傀走而抱哀，烈侯聶政刺之，兼中一哀，烈侯左右大亂，聶政大呼，所殺者數十人，因自皮面

抉眼，<sup>①</sup>自屠出腸，遂以死。

①濮陽故城在今河北濮陽縣南。

②韓君烈侯。

③益多也。

④生得言將人多，後有被生擒而事

泄也。

⑤仗執持也。

⑥東孟地名。

⑦皮面以刀刺面而去其皮。

扶眼剔去其目。欲令人不識也。

韓取聶政屍於市，縣購之千金。久之，莫知誰子。政姊聞之，曰：『弟至賢，不可愛妾之軀，滅吾弟之名，非弟意也。』乃之韓視之，曰：『勇哉，氣矜之隆。』是其軼賁育而高成荆矣。④今死而無名，父母既歿矣，兄弟無有，此爲我故也。⑤夫愛身不揚弟之名，吾不忍也！』乃抱屍而哭之，曰：『此吾弟軼深井里聶政也！』亦自殺於屍下。晉楚齊衛聞之，曰：『非獨政之能，乃其姊者亦列女也！』聶政之所以名施於後世者，其姊不避菹醢之誅以揚其名也。⑥

①縣與懸同。縣購，縣金募識之者也。

②姊，同姊。政姊，名嫫，一作榮。

③矜，自持也。

④軼，過也。賁育，

見秦策范雎至章註。成荆，古勇士。

⑤不顯其名，恐累姊也。

⑥菹，醢菜也。醢，肉醬也。

蘇秦爲楚合從說韓章

蘇秦爲楚合從，說韓王曰：「韓北有鞏洛成臯之固，西有宜陽常阪之塞，東有宛穰洧水，南有陘山，地方千里，帶甲數十萬，天下之強弓勁弩，皆自韓出，谿子少府，時力距來，皆射六百步之外，韓卒超足而射，百發不暇止，遠者達胸，近者掩心，韓卒之劍戟，皆出於冥山棠谿墨陽合伯，〔膊〕鄧師宛馮龍淵大阿，皆陸斷馬牛，水擊鵠雁，當敵卽斬，堅甲〔盾〕鞬鞞，鐵幕革抉，拔芮，無不畢具，以韓卒之勇，被堅甲，蹠勁弩，帶利劍，一人當百，不足言也。夫以韓之勁，與大王之賢，乃欲西面事秦，稱東藩，築帝宮，受冠帶，祠春秋，交臂而服焉，夫羞社稷而爲天下笑，無過此者矣，是故願大王之熟計之也！」

○楚當作趙。韓王昭侯。時周顯王三十六年，韓昭侯二十六年。一說，蘇秦說韓在宣惠王元年。○鞏

今河南鞏縣。洛，今河南洛陽縣。成臯，見秦策范雎至章註。○宜陽，見秦策司馬錯與張儀爭論章註。

常阪，史記作商阪，卽商山，又稱商洛山，在今陝西商縣東南，武關在焉。○宛，今河南南陽縣。穰，在今

河南鄧縣東南。洧水古出陽城，至長平入潁，今出河南密縣，合溱水至西華縣入潁。⑤ 廕山在今河

南新鄭縣南，與密縣接界。⑥ 谿子弩名，谿蠻夷也，以柘桑爲弩，因曰谿子之弩；一曰谿子陽，鄭善爲

弩匠，因名。少府官署名。時力距來皆弩名，時力者，謂作之得時，力倍於常，距來者，謂弩勢勁利，足以距

來敵也。⑦ 謂舉足踏弩也。⑧ 掩心，箭中心上如掩也。⑨ 冥山，或謂在朔州北，然朔州北非韓地。

棠谿，今河南鄆城縣西北之村，產劍。墨陽，地名，亦以出劍著。合伯，地名。⑩ 鄧師者，鄧國有工鑄劍，因

以名劍，鄧今河南鄧縣。宛馮者，宛人於馮池鑄劍，故以名劍，馮池，在今河南滎陽縣西。龍淵，太阿，皆古

寶劍名。⑪ 甲古之戎衣，用革或鐵葉爲之。鞮，革履。鞬，兜鞬，卽首鎧。⑫ 鐵幕，以鐵爲臂脛之衣。革扶

射鞬也，以革爲之，施於左臂，扶，亦作決。唳，音伐（ㄌㄩˊ），盾也。芮，繫盾之綬也。⑬ 蹠，踐也，蹈也。蹠，勁

弩，卽前之超足而射。

大王事秦，秦必求宜陽成臯，今茲効之，明年又益求割地，與之卽無地以給之，不與則棄前功而後更受其禍，且夫大王之地有盡，而秦之求無已，夫以有盡之地，而逆無已之求，此所謂市怨而買禍者也，不戰而地已削矣。臣聞鄙語曰：

「寧爲雞口，無爲牛後。」○今大王西面交臂而臣事秦，何以異於牛後乎！夫以大王之賢，挾強韓之兵，而有牛後之名，臣竊爲大王羞之！」

○効致也，獻也。

○二句又作寧爲雞尸，不爲牛從尸，雞中主從，牛子也，雞口牛後乃後人所改，按蘇

秦說趙王，有臣人臣於人之語，雞尸，喻臣人，牛從，喻臣於人，故下文云西面交臂而事秦，何以異於牛從乎，或解雞口猶進食，牛後雖大乃出糞，則因傳寫之誤，就文爲之說也。

韓王忿然作色，攘臂按劍，仰天太息曰：「寡人雖死，必不能事秦，今主君以楚王之教詔之，○敬奉社稷以從！」

○楚王，當作趙王。

### 秦韓戰於濁澤章

秦韓戰於濁澤，○韓氏急，公仲明○謂韓王曰：「與國不可恃，今秦之心欲伐楚，王不如因張儀爲和於秦，賂之以一名都，與之伐楚，此以一易二之計也。」

③韓王曰：『善。』乃倣④公仲之行，將西講於秦。

①濁澤，在今河南許昌縣西，韓與趙魏伐秦，秦使樗里疾與戰於修魚，虜韓將申差，濁澤即修魚之戰。

時在周慎靚王四年，韓宣惠王十六年。

②公仲明，見西周策雍氏之役章公中注。

③一謂名都。二

者，一免秦兵，二取償於楚也。④倣，戒也。

楚王聞之大恐，①召陳軫而告之。②陳軫曰：『秦之欲伐我久矣，今又得韓之名都一而具甲，③秦韓并兵南鄉，④此秦所以廟祠而求也，今已得之矣，楚國必伐矣。王聽臣，爲之倣四境之內，選師言救韓，令戰車滿道路，發信臣，⑤多其車，重其幣，使信王之救己也。』⑥縱韓爲不能聽我，⑦韓必德王也，必不爲厲行以來，⑧是秦韓不和，兵雖至，楚國不大病矣，爲能聽我絕和於秦，秦必大怒，以厚怨於韓，韓得楚救，必輕秦，輕秦，其應秦必不敬，是我困秦韓之兵而免楚國之患也。』楚王大說，乃倣四境之內，選師言救韓，發信臣，多其車，重其幣，謂韓王曰：『弊邑雖小，已悉起之矣，願大國遂肆意於秦，弊邑將以楚殉韓。』』

○楚王懷王槐。

○陳軫見秦策齊助楚攻秦章註。

○謂以一名都之賦爲兵備也。

○鄉讀如向。

南鄉謂伐楚。

⑤信臣使臣也，古人謂使爲信。

⑥爲作如字解；下同。

⑦言韓信楚救己，雖隨秦來

戰，必德王而不與秦同進也。

⑧殉從死也。言將以死助韓也。

韓王大說，乃止公仲。公仲曰：『不可，夫以實告我者，秦也，以虛名救我者，楚也，恃楚之虛名，輕絕強秦之敵，必爲天下笑矣。且楚韓非兄弟之國也，又非素約而謀伐秦矣，秦欲伐楚，楚因以起師言救韓，此必陳軫之謀也。且王以使人報於秦矣，今弗行，是欺秦也。夫輕強秦之禍，而信楚之謀臣，王必悔之矣。』韓王弗聽，遂絕和於秦。

秦果大怒，興師與韓氏戰於岸門，楚救不至，韓氏大敗。○韓氏之兵非削弱也，民非蒙愚也，兵爲秦禽，智爲楚笑，過聽於陳軫，失計於韓明也。○

○岸門在今山西河津縣南，一名岸頭亭。事在宣惠王十九年，此要終言之也。

○韓明，卽公仲明。

### 張儀爲秦連橫說韓章

張儀爲秦連橫，說韓王曰：「韓地險惡，山居，五穀所生，非麥而豆，民之所食，大抵豆飯藿羹。」①一歲不收，民不饜糟糠。②地方不滿九百里，無二歲之所食。料大王之卒，悉之不過三十萬，而廝徒負養在其中矣。③爲除守微亭鄣塞。④見卒⑤不過二十萬而已矣。

①韓王襄王倉。張儀說韓王時在周赧王四年，韓襄王元年。

②豆飯古只稱菽，漢以後方呼豆。藿，豆

葉也。③饜，飽足。糟，酒滓。糠，穀皮。言糟糠且不能飽食。

④廝徒，賤役。負養，負擔以給養公家者。

⑤

微，讀如叫。邊微，取微遮之義。微有亭以供瞭望。鄣，障蔽也。塞，險要之處。

⑥見，讀如現。見卒，現役之兵。

秦帶甲百餘萬，車千乘，騎萬匹，虎摯之士。①蹠跣科頭，貫頤奮戟者。②至不可勝計也。秦馬之良，戎兵之衆，探前跌後。③蹄間三尋者。④不可稱數也。山東之卒，被甲冒胄以會戰，秦人捐甲徒裎。⑤以趨敵，左挈人頭，右挾生虜，夫秦卒之與山東之卒也，猶孟賁之與怯夫也，以重力相壓，猶烏獲之與嬰兒也，夫戰孟賁烏

獲之士，以攻不服之弱國，無以異於墮千鈞之重，集於烏卵之上，必無幸矣。諸侯不料兵之弱食之寡，而聽從人之甘言好辭，比周以相飾也，皆言曰：「聽吾計則可以強霸天下。」夫不顧社稷之長利，而聽須臾之說，註誤人主者，<sup>④</sup>無過於此者矣。

○<sup>△△</sup>擊，驚通虎擊，言勇猛也；或言當作虎賁。

○<sup>△△</sup>跼，踣讀如徒俱，徒跼也；一云跳躍也。科頭謂不著兜鍪

入敵也。貫讀如彎貫，頤開大口呼如彎弓也。奮戟執戟奮怒而不顧死也。○<sup>△</sup>馬前足探向前，後足跌

於後，跌馬行貌。○<sup>△</sup>尋，八尺也。言馬走勢前後蹄間一擲而過三尋也。○<sup>△</sup>徒，跼也。程裸也。○<sup>△</sup>註，音

卦（《XY》）誤也，欺也。註誤二字同義。

大王不事秦，秦下甲據宜陽，斷絕韓之上地，○東取成臯，宜陽，則鴻臺之宮，

桑林之苑，○非王之有已。夫塞成臯，絕上地，則王之國分矣。先事秦則安矣，不事

秦則危矣；夫造禍而求福，計淺而怨深，逆秦而順楚，雖欲無亡，不可得也；故爲大

王計，莫如事秦。秦之所欲，莫如弱楚，而能弱楚者莫如韓，非以韓能強於楚也，其

地勢然也；今王西面而事秦，以攻楚，爲敵邑。①秦王必喜；夫攻楚而私其地，轉禍而說秦，計無便於此者也。是故秦王使使臣獻書大王御史，②須以決事！

①上地，謂上黨。見西周策犀武敗於伊闕章註。

②鴻臺、桑林，皆韓宮苑。

③爲助也。

④大王御史。

見趙策張儀爲秦連橫說趙王章註。

韓王曰：『客幸而教之，請比郡縣，築帝宮，祠春秋，稱東藩，効宜陽！』

①甘茂攻宜陽在後，蓋儀歸而約敗，韓未獻其地也。

# 燕

燕，姬姓，伯爵，召公奭之封國，都薊，今河北大興縣，戰國時，有今河北遼寧及朝鮮北部之地，周顯王四十六年，易王始稱王，傳至王喜，於秦始皇二十五年，爲秦所滅。

## 蘇秦將爲從北說燕章

蘇秦將爲從，北說燕文侯。○曰：「燕東有朝鮮遼東，○北有林胡樓煩，○西有雲中九原，○南有呼沱易水，○地方二千餘里，帶甲數十萬，車七百乘，騎六千正，粟支十年，南有碣石鴈門之饒，○北有棗栗之利，民雖不由田作，棗栗之實，足食於民矣，此所謂天府也。夫安樂無事，不見覆軍殺將之憂，無過燕矣，大王知其所以然乎？夫燕之所以不犯寇被兵者，以趙之爲蔽於南也；秦趙五戰，秦再勝而趙三勝，秦趙相弊，而王以全燕制其後，此燕之所以不犯難也。」

○燕文侯，桓公子。蘇秦至燕，在周顯王三十五年，燕文侯二十八年。○朝鮮，周武王時封箕子之處。

今遼寧遼河一帶地。遼東今遼寧遼河以東地。

③林胡在今山西大同縣西北樓煩見齊策蘇子說

齊閔王章註。

④雲中見趙策蘇秦從燕之趙章註。九原今綏遠五原縣。

⑤呼沱今河北巨川源出

山西繁峙縣秦戲山東流至河北天津縣合桑乾等河入海。易水有三皆出今河北易縣其自定興西

南合拒馬河者曰中易今之白澗河卽武水在定興西爲沙河入於中易者曰北易卽濡水逕徐水歷

安新爲雹河者曰南易。

⑥碣石山名在今河北昌黎縣西北然言者不一未能確指雁門山名在今

山西代縣西北碣石在燕東海中之貨自此入河雁門在西北沙漠之貨自此入路皆連於燕南故有

其饒也。

且夫秦之攻燕也踰雲中九原過代上谷①彌塗踵道數千里②雖得燕城

秦計固不能守也秦之不能害燕亦明矣今趙之攻燕也發興號令不至十日而

數十萬之衆軍於東垣矣③度呼沱涉易水不至四五日距國都矣故曰秦之攻

燕也戰於千里之外趙之攻燕也戰於百里之內夫不憂百里之患而重千里之

外計無過於此者是故願大王與趙從親天下爲一則國必無患矣。」

○代今山西代縣。上谷見秦策文信侯欲攻趙章註。

○彌滿也。踵道接踵於路也。

○東垣趙之東

邑，故城在今河北正定縣西。

燕王曰：『寡人國小，西迫強秦，南近齊趙，齊趙強國也，今主君幸教詔之，合從以安燕，敬以國從！』於是齎蘇秦車馬金帛以至趙。

○主君見齊策蘇秦爲趙合從說齊章註。

### 人有惡蘇秦於燕王章

人有惡蘇秦於燕王者，曰：『武安君，天下不信人也，王以萬乘下之，尊之於廷，示天下與小人羣也。』武安君從齊來，而燕王不館也。

○燕王易王文侯子。

○武安君蘇秦封號。

○不館不爲治舍也。

謂燕王曰：『臣東周之鄙人也，見足下，身無咫尺之功，而足下迎臣於郊，顯臣於廷，今臣爲足下使，利得十城，功存危燕，足下不聽臣者，人必有言臣不信，

傷臣於王者。臣之不信，是足下之福也。使臣信如尾生，廉如伯夷，孝如曾參，三者天下之高行，而以事足下，不可乎？燕王曰：『可。』曰：『有此臣，亦不事足下矣。』蘇秦曰：『且夫孝如曾參，義不離親，一夕宿於外，足下安得使之之齊！廉如伯夷，不取素飡，汗武王之義而不臣焉，辭孤竹之君，餓而死於首陽之山，廉如此者，何肯步行數千里而事弱燕之危主乎！信如尾生，期而不來，抱梁柱而死，信至如此，何肯揚燕秦之威於齊而取大功乎哉！且夫信行者，所以自爲也，非所以爲人也，皆自覆之術。非進取之道也。且夫三王代興，五霸迭盛，皆不自覆也。君以自覆爲可乎，則齊不益於營丘，足下不踰楚境，不窺於邊城之外。且臣有老母於周，離老母而事足下，去自覆之術，而謀進取之道，臣之趨固不與足下合者，足下皆自覆之君也，僕者進取之臣也，所謂以忠信得罪於君者也。』

①使使齊也。

②尾生，古之信士，與女子期於梁下，水至不去，遂死。

③素，空也。

④言以武王爲不

義也。⑤孤竹國名，神農之後，今河北盧龍至朝陽一帶之地。伯夷爲孤竹君長子，父欲立叔齊，父卒，

伯夷遂逃去，叔齊亦不立而逃，國人立其中子。⑥首陽，卽雷首山，在今山西永濟縣東南，周武王滅

商，伯夷恥食周粟，餓死於此。⑦秦說齊，有燕雖弱小，乃強秦少堵之語，是揚燕秦之威於齊也。⑧

自覆，猶自護。⑨營丘，周武王封太公望於此，今山東臨淄縣。⑩或謂楚境二字倒置，楚屬下句。

⑪一說，皆爲者字之訛。

燕王曰：「夫忠信又何罪之有也？」對曰：「足下不知也。臣鄰家有遠爲吏者，其妻私人，其夫且歸，其私之者憂之，其妻曰：『公勿憂也，吾已爲藥酒以待之矣。』後二日，夫至，妻使妾奉卮酒進之，妾知其藥酒也，進之則殺主父，言之則逐主母，乃陽僵棄酒。①主父大怒而笞之。②故妾一僵而棄酒，上以活主父，下以存主母也，忠至如此，然不免於笞，此以忠信得罪者也。臣之事適不幸而有類妾之棄酒也。且臣之事足下，亢義。③益國，今乃得罪，臣恐天下後事足下者，莫敢自必也。④且臣之說齊，曾不欺之也，使之說齊者，莫如臣之言也，雖堯舜之智，不敢取

也。<sup>(五)</sup>

○僮仆也。○答擊也。○亢高極也，言高義。○言莫敢自必能上義而益燕。○言齊不敢取其說。

燕王噲既立章

燕王噲既立，○蘇秦死於齊，○蘇秦之在燕也，與其相子之爲婚，○而蘇代與子之交，<sup>(四)</sup>及蘇秦死而齊宣王復用蘇代。燕噲三年，與楚三晉攻秦，不勝而還，子之相燕，貴重主斷。<sup>(五)</sup>蘇代爲齊使於燕，燕王問之曰：『齊宣王何如？』對曰：『必不霸。』燕王曰：『何也？』對曰：『不信其臣。』——蘇代欲以激燕王以厚任子之也。於是燕王大信子之，子之因遺蘇代百金，聽其所使。

○燕王噲，易王子周慎靚王元年立。○蘇秦在齊，齊大夫多與爭寵，因使人刺殺之，時周慎靚王四年。  
○子之，燕王噲之相。  
○蘇代，秦弟。  
○斷決國事也。

鹿毛壽○謂燕王曰：『不如以國讓子之，人謂堯賢者，以其讓天下於許由，由必不受，有讓天下之名，實不失天下，今王以國讓相子之，子之必不敢受，是王與堯同行也。』燕王因舉國屬子之，子之大重。

○鹿毛壽人名；一作厝毛壽，又作潘壽。○許由，堯時隱士，字武仲，堯讓以天下，不受，隱於箕山。

或曰：『禹授益而以啓爲吏，○及老而以啓爲不足任天下，傳之益也，啓與支黨攻益而奪之天下，是禹名傳天下於益，其實令啓自取之，今王言屬國子之，而更無非太子人者，○是名屬子之而太子用事。』王因收印自三百石吏而効之子之，○子之南面行王事，而噲老不聽政，顧爲臣，國事皆決子之。

○啓，禹子。○人，猶臣也，太子人言皆爲太子之臣也。○以石計祿始此。

子之三年，燕國大亂，百姓恫怨。○將軍市被太子平謀將攻子之，○儲子○謂齊宣王，因而仆之，破燕必矣，王因令人謂太子平曰：『寡人聞太子之義，將廢私而立公，飭君臣之義，○正父子之位，寡人之國小，不足先後，雖然，則唯太子所

以令之！太子因數黨聚衆，將軍市被圍公宮，攻子之，不克，將軍市被及百姓乃反攻太子平，將軍市被死已殉國，構難數月，死者數萬衆，燕人恫怨，百姓離意。

○恫痛也。○市被，燕將軍。太子平，卽昭王。○儲子，齊相，見孟子離婁。○飭戒也。○句首將軍市被四字，或謂衍文，又說及釋爲及至之及，非又及之及，市被以百姓反攻太子，故赴門而死，連用三將軍市被，乃古文樸贖處云。

孟軻○謂齊宣王曰：『今伐燕，此文武之時，不可失也。』王因令章子將五都之兵，以因北地之衆以伐燕，士卒不戰，城門不閉，燕王噲死，齊大勝燕，子之亡二年，燕人立公子平，是爲燕昭王。

○孟軻卽孟子，字子輿，鄒人，後世所稱亞聖是也。

○章子，齊人五都皆齊地，臨淄卽其一也。

○北地北邊近燕之地。

張儀爲秦破從連橫章

張儀爲秦破從連橫，謂燕王曰：「大王之所親莫如趙，昔趙王以其姊爲代王妻，欲并代，約與代王遇於句注之塞，乃令工人作爲金斗，長其尾，令之可以擊人，與代王飲，而陰告厨人曰：「卽酒酣樂，進熱歡，卽因反斗擊之。」於是酒酣樂，進取熱歡，厨人進斟羹，因反斗而擊之，代王腦塗地，其姊聞之，摩笄以自刺也。故至今有摩笄之山，天下莫不聞，夫趙王之狼戾無親，大王之所明見知也。

○燕王昭王平也。張儀說歲在周赧王四年，燕昭王元年。

○趙王襄子無恤，代在河北蔚縣，今有代

王城。趙滅代，或以爲簡子時事。

○句注山名，在今山西代縣西北，卽雁門山，以山形句轉，水勢注流

而名。尾卽斗柄，其形若刀。

○歡音輟（出又世）飲也。反斗擊之，倒柄以擊之也。○羹謂羹

汁，故名汁曰羹。

○笄簪也。

○摩笄之山，在今察哈爾涿鹿縣西北。

○狼戾以狼喻其貪戾也。

且以趙王爲可親邪，趙興兵而攻燕，再圍燕都而劫大王，大王割十城乃卻以謝。○今趙王已入朝澠池，○效河間以事秦，○大王不事秦，秦下甲雲中、九原，

驅趙而攻燕，則易水長城，<sup>④</sup>非王之有也。且今時趙之於秦，猶郡縣也，不敢妄興師以征伐，今大王事秦，秦王必喜，<sup>⑤</sup>而趙不敢妄動矣，是西有強秦之援，而南無齊趙之患，是故願大王之熟計之也！』

○或謂乃卻以謝四字爲以謝乃卻之誤，以謝句斷。

④澠池，見齊策張儀爲秦連橫說齊章註。

⑤

河間，見秦策文信侯欲攻趙章註。

④長城在河北易縣界。

⑤秦王，惠文王。

燕王曰：『寡人蠻夷辟處，雖大男子裁如嬰兒，言不足以求正，謀不足以決事，今大客幸而教之，請奉社稷西面而事秦，獻常山之尾五城。』

○辟，同僻。

○常山，卽恆山，見秦策張儀爲秦破從連橫說楚章註。尾末也。謂獻常山之末五城與秦。

### 燕昭王收破燕章

燕昭王收破燕後，卽位，卑身厚幣，以招賢者，欲將以報讎。故往見郭隗先生，曰：『齊因孤國之亂而襲破燕，孤極知燕小力少，不足以報，然得賢士與共』

國以雪先王之恥，孤之願也！敢問以國報讎者柰何？』郭隗先生對曰：『帝者與師處，王者與友處，霸者與臣處，亡國與役處。』③ 詘指而事之，④ 北面而受學，則百己者至，⑤ 先趨而後息，⑥ 先問而後嘿，⑦ 則什己者至，人趨己趨，⑧ 則若己者至，馮几據杖，⑨ 眄視指使，則厮役之人至，若恣睢⑩ 奮擊，响籍叱咄，⑪ 則徒隸之人至矣，此古服道致士之法也；王誠博選國中之賢者而朝其門下，天下聞王朝其賢臣，天下之士必趨於燕矣。』

① 燕人立公子平，當子之亂後，故云收破燕後。

② 隗，五餒切（ㄨㄟ）；郭隗，燕人。

③ 役，僕役也。言

亡國之君則近小人也。

④ 詘與屈同；詘指猶言折節。

⑤ 百己言百倍於己也，下什己同。

⑥ 謂先

彼而趨，後彼而息也。

⑦ 謂先人而問，後人而止，好問意。

⑧ 謂人趨而已亦趨也。

⑨ 馮，讀如憑，據

也。

⑩ 恣睢暴戾也。

⑪ 响或謂當作鈞，鈞，跳躍也。响藉謂跳躍踏藉也。叱咄謂發怒而呵叱之聲，與

叱咄同。

昭王曰：『寡人將誰朝而可？』郭隗先生曰：『臣聞古之君人，① 有以千金

求千里馬者，三年不能得，涓人言於君曰：「請求之！」君遣之，三月得千里馬，馬已死，買其首五百金，反以報君，君大怒曰：「所求者生馬，安事死馬而捐五百金！」涓人對曰：「死馬且買之五百金，況生馬乎，天下必以王爲能市馬，馬今至矣。」於是不能期年，千里之馬至者三，今王誠欲致士，先從魏始，魏且見事，況賢於魏者乎，豈遠千里哉！」

○君人他書多作人君。○涓人卽漢之中涓，居中而涓潔也；一說，主通書，謂出人命也。○首或謂疑當作骨。○猶言不及一年。

於是昭王爲魏築宮而師之，○樂毅自魏往，○鄒衍自齊往，○劇辛自趙往，○士爭湊燕。燕王弔死問生，與百姓同其甘苦，二十八年，燕國殷富，士卒樂佚輕戰。於是遂以樂毅爲上將軍，與秦楚二晉合謀以伐齊，齊兵敗，閔王出走於外，燕兵獨追北，入至臨淄，○盡取齊寶，燒其宮室宗廟，齊城之不下者，唯獨莒卽墨。○

○相傳燕昭王築黃金臺以禮郭隗，此但言築宮，不言築臺，臺在今河北易縣東南易水上。○樂毅

樂羊之後，事燕昭王爲卿，詳昌國君樂毅章。③鄒衍齊臨淄人，昭王築碣石宮師事之，昭王崩，惠王

信讒，下之獄，夏月爲之降霜。④劇辛事昭王，任國政，下齊之策，辛功居多。⑤臨淄齊都，見齊策蘇

秦爲趙合從說齊章註。五國共擊齊閔王，燕兵獨入臨淄，閔王走莒，在周赧王三十一年，燕昭王二十

八年。⑥莒見齊策蘇子說齊閔王章註。卽墨見齊策張儀爲秦連橫說齊章註。

### 齊伐宋宋急章

齊伐宋，宋急。①蘇代乃遺燕昭王書曰：「夫列在萬乘而寄質於齊，②名卑

而權輕，秦齊助之伐宋，民勞而實費，破宋殘楚淮北。③肥大齊，讎強而國弱也。④

此三者，皆國之大敗也，而足下行之，將欲以除害。⑤取信於齊也，而齊未加信於

足下，而忌燕也愈甚矣，然則足下之事齊也，失所爲矣。夫民勞而實費，又無尺寸

之功，破宋肥讎，而世負其禍矣。足下以宋加淮北，強萬乘之國也。⑥而齊并之，是

益一齊也，北夷方七百里，⑦加之以魯衛。⑧此所謂強萬乘之國也，而齊并之，是

益二齊也；夫一齊之強而燕猶不能支也，今乃以三齊臨燕，其禍必大矣。

○宋王偃無道，齊閔王滅之，時在周赧王二十九年，燕昭王二十六年。○質，與贄通，寄質言不親朝。

齊，特使人致臣禮也。○楚之淮北，宋鄰也，宋破則此地殘。○齊爲燕之讎，上云肥大齊，故此云讎。

強。○宋者，齊之害，燕助伐宋，則爲齊除害也。○并宋與楚淮北，則萬乘而強。○北夷，謂齊北之。

山戎北狄等。○言齊因舉宋，且并魯衛也。

雖然，臣聞知者之舉事也，轉禍而爲福，因敗而成功者也，齊人紫敗素也，而

賈十倍，○越王勾踐棲於會稽，而後殘吳霸天下，○此皆轉禍而爲福，因敗而爲

功者也，今王若欲轉禍而爲福，因敗而爲功乎，則莫如遙伯齊而厚尊之，使使盟

於周室，○盡焚天下之秦符，約曰：「夫上計破秦，其次長賓之。」○「秦」秦挾

賓「客」以待破，○秦王必患之，秦五世以結諸侯，今爲齊下，秦王之志，苟得窮

齊，不憚以一國都爲功，○然而王何不使布衣之人，以窮齊之說說秦，謂秦王曰：

「燕趙破宋，肥齊尊齊而爲之下者，燕趙非利之也，弗利而勢爲之者何也？」以不

信秦王也，今王何不使可以信者接收燕趙，今涇陽君若高陵君先於燕趙，<sup>④</sup>秦有變，因以爲質，<sup>⑤</sup>則燕趙信秦矣。秦爲西帝，趙爲中帝，燕爲北帝，立爲三帝而以令諸侯，韓魏不聽，則秦伐之，齊不聽，則燕趙伐之，天下孰敢不聽！天下服聽，因驅韓魏以攻齊曰：『必反宋地而歸楚之淮北！』夫反宋地，歸楚之淮北，燕趙之所同利也，並立三帝，燕趙之所同願也，夫實得所利，名得所願，則燕趙之棄齊也，猶釋弊躡。<sup>⑥</sup>今王之不收燕趙，則齊伯必成矣，諸侯戴齊，而王獨弗從也，是國伐也，<sup>⑦</sup>諸侯戴齊而王從之，是名卑也，王不收燕趙，名卑而國危，王收燕趙，名尊而國寧，夫去尊寧而就卑危，知者不爲也。』秦王聞若說也，必如刺心，<sup>⑧</sup>然則王何不務使知士以若此言說秦，秦伐齊必矣。夫取秦，上交也，伐齊，正利也，尊上交，務正利，聖王之事也。』

① 敗猶惡也。素白，繒賈同價。齊桓公好服紫，一國盡服紫，取敗素染爲紫色，其價十倍。② 越王句踐

棲於會稽，後報吳事，見秦策昭王既息民章註。

③ 謂背秦而從，使齊主盟也。

④ 寶與擯通。

⑤ 言

諸侯盡擯秦，秦將挾賓客以待破。

⑤言將割以賂與國，而爲窮齊之功。

⑥涇陽君高陵君並見秦

策范雎至章註。先先接於二國也。二君秦所重，天下信之。

⑦謂秦背二國，則以涇陽君高陵君爲質。

⑧躡草履也；躡與蹤履並通。

⑨謂秦受齊伐。

⑩刺心心痛如刺也。

燕昭王善其書曰：『先人嘗有德蘇氏，子之之亂，而蘇氏去燕，燕欲報

仇於齊，非蘇氏莫可。』乃召蘇氏，復善待之，與謀伐齊，竟破齊，閔王出走。

⑪謂趙肅侯資蘇秦以合從說各國也。

⑫子之之亂見燕王噲既立章註。

⑬按此策文，蓋在齊已

滅宋取楚淮北之後，代勸燕尊齊擯秦，而說秦以伐齊，非將伐宋時事；且宋未滅時，代已至燕，豈至此

時尚留宋而爲之說燕哉。

### 秦召燕王章

秦召燕王，燕王欲往。蘇代約燕王曰：『楚得枳而國亡，齊得宋而國亡，

齊楚不得以有根，宋事秦者何也？是則有功者，秦之深讎也。秦取天下，非行

義也，暴也。秦之行暴於天下，正告楚曰：「蜀地之甲，輕舟浮於汶，乘夏水而下江，五日而至郢。」漢中之甲，乘舟出於巴，乘夏水而下漢，四日而至五渚，寡人積甲宛東下隨。知者不及謀，勇者不及怒，寡人如射隼矣。王乃待天下之攻函谷，不亦遠乎！楚王爲是之故，十七年事秦。秦正告韓曰：「我起乎少曲，一日而斷太行，我起乎宜陽而觸平陽，二日而莫不盡絛，我離兩周而觸鄭，五日而國舉。」韓氏以爲然，故事秦。秦正告魏曰：「我舉安邑，塞女戟，韓氏太原卷，我下枳道南陽封冀，包兩周，乘夏水，浮輕舟，強弩在前，鈇戈在後，決滎口，魏無大梁，決白馬之口，魏無濟陽，決宿胥之口，魏無虛頓丘，陸攻則擊河內，水攻則滅大梁。」魏氏以爲然，故事秦。

○燕王昭王也。約猶止也。時在秦拔楚鄢郢時，昭王末年也。○枳，今四川涪陵縣。時楚方敗於秦，故云亡。

○周赧王二十九年，齊閔王滅宋，三十一年，五國共擊齊，閔王走莒。○時燕新破齊，代言此

以見破齊爲秦之所惡也。○汶，卽岷江，出岷山。○夏水，謂夏時水漲也。○郢，楚都，見秦策蔡澤

見逐章註。

⑧漢中見秦策蘇秦始將連橫章註。

⑨巴謂巴水出陝西鎮巴縣西北大巴山西南流

入四川至巴中縣會南江水爲巴江。

⑩五渚漢水下流。

⑪宛東宛縣之東下隨向隨而下也。

⑫隼鳥名鷹類射隼喻易也易解卦「公用射隼於高墉之上獲之無不利。」

⑬少曲在今河南孟縣

西北。

⑭平陽見秦策秦昭王謂左右章註。

⑮繇同搖言自平陽以東莫不搖動也。

⑯離歷也兩

周東西周鄭今河南新鄭縣。

⑰安邑魏都見秦策秦昭王謂左右章註。

⑱女戟地名在太行山之

西。

⑲卷猶斷絕太原或謂當爲太行蓋曰秦舉魏之安邑塞魏之女戟則韓氏太行斷絕也一說此

韓氏爲河東地名屬魏太原今山西太原縣卷今河南原武縣。

⑳枳道見趙策蘇秦從燕之趙章註。

南陽見秦策司馬錯與張儀爭論章註封封陵在今山西永濟縣南冀冀亭在今山西河津縣東。

銛音纖（ム一弓）鋒利也。

㉑榮口榮澤之口亦曰石門渠與故汴河口通水深可灌大梁。

㉒大

梁見秦策頃襄王二十年章註。

㉓白馬白馬津在今河南滑縣西。

㉔濟陽見秦策頃襄王二十年

章註。

㉕宿胥之口在今河南濬縣西南遮害亭東決河使北以灌虛頓丘也。

㉖虛見秦策頃襄王

二十年章註頓丘故城在今河北清豐縣西南。

秦欲攻安邑，恐齊救之，則以宋委於齊。曰：「宋王無道，○爲木人以寫寡人，射其面，寡人地絕兵遠，不能攻也。王苟能破宋有之，寡人如自得之。」已得安邑，塞女戟，因以破宋爲齊罪。秦欲攻〔齊〕韓，恐天下救之，則以齊委於天下，曰：「齊王四與寡人約，○四欺寡人，必率天下以攻寡人者三，有齊無秦，無齊有秦，必伐之，必亡之。」已得宜陽少曲，致蘭石，○因以破齊爲天下罪。秦欲攻魏，重楚，○則以南陽委於楚，曰：「寡人固與韓且絕矣，殘均陵，○塞鄆隘，○苟利於楚，寡人如自有之。」魏棄與國而合於秦，因以塞鄆隘爲楚罪。兵困於林中，○重燕趙，以膠東委於燕，○以濟西委於趙，○〔趙〕已得講於魏，〔至〕質公子延，○因犀首屬行而攻趙。○兵傷於離石，○遇敗於馬陵，○而重魏，則以葉蔡委於魏，○已得講於趙，則劫魏，魏不爲割，困則使太后穰侯爲和，嬴則兼欺舅與母。

○宋王謂宋王偃。

○寫模寫也。

○齊王閔王也。

○蘭石，

一本作蘭離石，見西周策蘇厲謂周君

章註，惟非韓地，疑誤。

○重楚，恐楚擊其後，故尊之也。

○均陵，即今湖北均縣。

○鄆隘，見魏策魏

將與秦攻韓章註。 ⑧林中見齊策蘇子說齊閔王章註。 ⑨膠東今山東膠河以東地。 ⑩濟西見

齊策蘇秦自燕之齊章註。 ⑪言秦與魏和以公子延為質也。 ⑫犀首即公孫衍，魏人，初相魏，後入

相秦，佩五國相印為約長。屬行連屬以行，言兵多也。 ⑬離石見上。 ⑭馬陵在河北大名縣東南，接

濮縣境，齊用孫臏計，敗魏將龐涓於此。 ⑮葉今河南葉縣，蔡上蔡，今河南上蔡縣。

適燕者曰以膠東，○適趙者曰以濟西，適魏者曰以葉蔡，適楚者曰以塞鄆

隘，適齊者曰以宋，此必令其言如循環，用兵如刺蜚繡，○母不能制，舅不能約，龍

賈之戰，①岸門之戰，②封陵之戰，③高商之戰，④趙莊之戰，⑤秦之所殺三晉之

民數百萬，今其生者皆死秦之孤也；西河之外，上雒之塞，三川，晉國之禍，三晉之

半。○秦禍如此其大，而燕趙之秦者，⑥皆以爭事秦說其主，此臣之所大患。』

○適，適同，即上所謂因以為罪者；下仿此。 ①蜚，蟲名。刺蜚刺繡喻易也。或謂本無蜚字，如刺繡，言旋

轉無窮也；又一說，史記作刺蜚，策作刺繡，因兩存之云。 ②周顯王三十九年，秦敗魏將龍賈軍。 ③

周赧王元年，秦敗韓於岸門。 ④周赧王十二年，秦敗魏於封陵。 ⑤此役不詳。 ⑥周顯王四十一

年，趙將趙莊與秦戰死河西。

⑧上雒，今陝西商縣。三川，見秦策司馬錯與張儀爭論章註。西河上雒

魏地，三川韓地，皆秦所并三晉之地。晉國之被秦禍，幾亡三晉之半也。⑨之下一有私交二字。

燕昭王不行，蘇代復重於燕。燕反約諸侯從親，如蘇秦時，或從或不，而天下由此宗蘇氏之從約。代厲皆以壽死，①名顯諸侯。

①厲亦蘇秦弟。

### 趙且伐燕蘇代爲燕章

趙且伐燕，蘇代爲燕謂惠王曰：「今者臣來過易水，蚌方出曝而鷓啄其肉，②蚌合而拊其喙，鷓曰：『今日不雨，明日不雨，卽有死蚌。』」③蚌亦謂鷓曰：「今日不出，④明日不出，卽有死鷓。」兩者不肯相舍，漁者得而并禽之，今趙且伐燕，燕趙久相支，以弊大衆，臣恐強秦之爲漁父也，故願王之熟計之也！」惠王曰：「善。」乃止。

○△△惠王趙惠文王何。

○△△易水見蘇秦將為從北說燕章註。

○△鷓音聿（ㄩ）鳥名，嘴長，背灰色，棲

田澤，捕食小魚。

○△雨則流潦沒喙，鷓不得不食蚌。謠諺多叶韻，或謂末句當作蚌將為脯，謂不雨則

蚌將枯死也。

○△出；謂開口而出其喙也。

### 昌國君樂毅章

昌國君樂毅為燕昭王合五國之兵而攻齊，○下七十餘城，盡郡縣之以屬

燕，三城未下，○而燕昭王死，惠王即位，○用齊人反間，○疑樂毅，而使騎劫代之

將，○樂毅奔趙，趙封以為望諸君。○齊田單欺詐騎劫，○卒敗燕軍，復收七十城

以復齊。燕王悔，懼趙用樂毅承燕之弊以伐燕，燕王乃使人讓樂毅，○且謝之曰：

「先王舉國而委將軍，將軍為燕破齊，報先王之讎，天下莫不振動，寡人豈敢一

日而忘將軍之功哉！會先王棄羣臣，寡人新即位，左右誤寡人，寡人之使騎劫代

將軍者，為將軍久暴露於外，○故召將軍且休計事，將軍過聽，以與寡人有郟，○

遂捐燕而歸趙，將軍自爲計則可矣，而亦何以報先王之所以遇將軍之意乎！

○昌國△△本名昌城，齊邑，故城在今山東淄川縣北，燕昭王以爲樂毅封邑。五國△△趙楚韓魏燕也。○三

城△△聊莒卽墨。燕伐齊，惟莒卽墨未下，云三城者，蓋因燕將守聊城不下之事而誤。○惠王△△昭王子。

○齊田單縱反間於燕，曰：「齊城不下者兩城耳，然所以不早拔者，以樂毅欲久仗兵威以服齊人，南面而王耳。」○騎劫△△見齊策齊負郭之民章註。○望諸△△澤名，本齊地，卽孟諸，爾雅十藪之一，今河

南商丘縣東北有孟諸澤。毅自燕奔趙，趙封毅於觀津，以此號之。○田單以計餌燕兵，令劓齊降卒，

置之前行，且掘城外齊人家墓之在城外者，燕兵墮其計，劓齊降卒，掘齊人城外之家，於是齊人皆忿

燕兵之暴，單見兵已有死敵之心，可用，遂縱火牛奔燕軍，大敗之，殺騎劫。○讓△△責之也。○暴△△與驟

同。○以△△猶謂也。○郟△△與隙同。

望諸君乃使人獻書報燕王曰：「臣不佞，不能奉承先王之教，以順左右之心，恐抵斧質之罪，○以傷先王之明，而又害於足下之義，○故遁逃奔趙，自負以不肖之罪，○故不敢爲辭說，今王使使者數之罪，臣恐侍御者○之不察先王之

所以畜幸臣之理，而又不白於臣之所以事先王之心，故敢以書對。

①質與鑽同，斬人椹也。

②無罪而殺，殺非義也。

③言荷罪在身也。

④侍御者謂左右之人，不敢

斥言王故云。

臣聞賢聖之君，不以祿私其親，功多者授之，不以官隨其愛，能當之者處之，故察能而授官者，成功之君也，論行而結交者，立名之士也。臣以所學者觀之，先王之舉錯，有高世之心，故假節於魏王，而以身得察於燕；①先王過舉，擢之乎賓客之中，而立之乎羣臣之上，不謀於父兄，而使臣爲亞卿；②臣自以爲奉令承教，可以幸無罪矣，故受命而不辭。先王命之曰：「我有積怨深怒於齊，不量輕弱，而欲以齊爲事！」臣對曰：「夫齊，霸國之餘教也，而驟勝之遺事也；③閑於兵甲，習於戰攻，王若欲攻之，則必舉天下而圖之，舉天下而圖之，莫徑於結趙矣。④且又淮北宋地，楚魏之所同願也；⑤趙若許，約楚魏宋盡力，四國攻之，⑥齊可大破也。」先王曰：「善。」臣乃口受命，具符節，南使臣於趙，願反命，起兵隨而攻齊。⑦

以天之道，先王之靈，河北之地，①隨先王舉，②而有之於濟上，③濟上之軍，④奉令擊齊，大勝之，輕卒銳兵，長驅至一國，⑤齊王逃遁走莒，僅以身免，珠玉財寶，車甲珍器，盡收入燕，大呂陳於元英，⑥故鼎反於歷室，⑦齊器設於寧臺，⑧薊丘之植植於汶皇，⑨自五伯以來，功未有及先王者也。先王以爲愜其志，以臣爲不頓命，⑩故裂地而封之，使之得比乎小國諸侯，臣不佞，自以爲奉令承教，可以幸無罪矣，故受命而弗辭。

○時諸侯不通，出關則以節傳之，毅爲魏昭王使燕，燕王以客禮待之，毅遂爲臣，察至也。○亞卿次

卿也。○驟數也。齊嘗霸天下而數勝他國，其餘教遺事猶存。○徑捷也。○楚欲得淮北，魏欲得

宋，時皆屬齊。○許謂趙許燕也。趙若許而約四國共攻之也。○隨諸侯之兵而攻齊。○河北之

地，今河北密雲縣等地。○隨昭王舉兵伐齊。○濟上，濟水之上，齊地，諸侯兵集於濟上也。○濟

上之軍，謂諸侯兵之軍濟上者。○至齊，謂至齊都。○大呂，齊鐘名。元英，燕宮名。○故鼎，齊所得

燕鼎，歷室亦燕宮名，一說律曆之室。○寧臺，燕臺名。○薊丘，燕都，今河北大興縣。汶水名，在齊境。

皇同篁竹田也。言燕薊丘之所植，移植於汶上之竹田也。①頓猶墜也。

臣聞賢明之君，功立而不廢，故著於春秋，蚤知之士，①名成而不毀，故稱於後世。若先王之報怨雪恥，夷萬乘之強國，收八百歲之蓄積，②及至棄羣臣之日，餘令詔後嗣之遺義，執政任事之臣，所以能循法令，順庶孽者，③施及萌隸，④皆可以教於後世。臣聞善作者不必善成，善始者不必善終，昔者五子胥說聽乎闔閭，故吳王遠迹至於郢，夫差弗是也，賜之鷗夷而浮之江，⑤故吳王夫差不悟先論之可以立功，故沉子胥而不悔，子胥不蚤見主之不同量，故入江而不改，⑥夫免身全功，以明先王之迹者，臣之上計也，離毀辱之非，墮先王之名者，臣之所大恐也，⑦臨不測之罪，以幸爲利者，義之所不敢出也。⑧臣聞古之君子，交絕不出惡聲，忠臣之去也不潔其名，⑨臣雖不佞，數奉教於君子矣，恐侍御者之親左右之說而不察疏遠之行也，故敢以書報，唯君之留意焉！

①蚤知先見也。

②通太公數之，故云八百歲。

③新立之君，皆患庶孽之亂，昭王能預順之。

④萌

同氓。萌隸謂至賤者。⑤鷗夷，革囊也。夫差殺子胥，盛以鷗夷，投之江。⑥不改言不改行他適。⑦離與罹同。言遭誹謗而被誅，則壞先王之名，故懼而奔趙。⑧被罪去燕，又幸趙伐燕以爲利，義所不敢出也。⑨謂不毀其君而自潔也。

### 燕太子丹質於秦章

燕太子丹質於秦，亡歸。①見秦且滅六國，兵以臨易水，②恐其禍至，③太子丹患之，謂其太傅鞫武④曰：『燕秦不兩立，願太傅幸而圖之！』武對曰：『秦地遍天下，威脅韓魏趙氏，則易水以北，未有所定也。⑤柰何以見陵之怨，⑥欲排其逆鱗哉？』太子曰：『然則何由？』⑦太傅曰：『請入圖之。』⑧

①丹，燕王喜之太子，王喜二十三年質於秦，亡歸。②以與已通。易水見蘇秦將爲從北說燕章註。

③恐以己亡歸爲兵名。④鞫武，丹之傅，鞫一本作鞠。⑤定安處也。皆恐見滅，故不得安處。⑥丹

質秦，秦遇之不善，故云見陵之怨。⑦排，一作批，批擊也。韓非子說難：『龍可擾而騎也，然喉下有逆

鱗徑尺，人有嬰之，則必殺人，人主亦有。」

④謂何由得免秦禍。

⑤請太子入息，已乃圖之。

居之有間，樊將軍亡秦之燕，①太子容之，太傅鞫武諫曰：『不可，夫秦王之暴，②而積怨於燕，③足爲寒心，又况聞樊將軍之在乎！是以委肉當餓虎之蹊，④禍必不振矣，⑤雖有管晏，不能爲謀。願太子急遣樊將軍入匈奴以滅口，⑥請西約三晉，⑦南連齊楚，北講於單于，⑧然後乃可圖也。』太子丹曰：『太傅之計，曠日彌久，心惛然，恐不能須臾，⑨且非獨於此也，夫樊將軍困窮於天下，歸身於丹，丹終不迫於強秦，而棄所哀憐之交，置之匈奴，是丹命固卒之時也。⑩願太傅更慮之！』鞫武曰：『燕有田光先生者，⑪其智深，其勇沉，可與之謀也。』太子曰：願因太傅交於田先生，可乎？』鞫武曰：『敬諾！』

①樊將軍名於期，秦將，得罪於秦，亡之燕。

②秦王始皇也。

③積怨謂怨其亡歸也。

④委置也。蹊，

徑也。

⑤振救也。

⑥匈奴北狄，今蒙古地，秦漢時最盛。

⑦韓魏趙三分晉地爲三國，故曰三晉。

⑧單于廣大之義，匈奴所以稱其君長。

⑨言已憂患昏督將死，不能須臾待也。

⑩知禍將至而猶

爲之自疑命止於此也。  
①田光燕人。

出見田光，道太子曰：願圖國事於先生。田光曰：『敬奉教！』乃造焉。太子跪而逢迎，卻行爲道。田先生坐定，左右無人，太子避席而請曰：『燕秦不兩立，願先生留意也！』田光曰：『臣聞騏驎盛壯之時，一日而馳千里，至其衰也，駑馬先之，今太子聞光壯盛之時，不知吾精已消亡矣。雖然，光不敢以乏國事也。』所善荆軻可使也。太子曰：『願因先生得願交於荆軻，可乎？』田光曰：『敬諾！』即起趨出。太子送之至門，曰：『丹所報先生所言者，國大事也，願先生勿泄也！』田光俛而笑，曰：『諾。』

①卻行，不背之而行也。道引也。②謂不令太子所圖有闕也。  
③荆軻，衛人，衛謂之慶卿，之燕，燕人謂之荆卿。使任使也。④俛與俯同。

儂行見荆軻，曰：『光與子相善，燕國莫不知，今太子聞光壯盛之時，不知吾形已不逮也，幸而教之曰：「燕秦不兩立，願先生留意也。」光竊不自外，言』

足下於太子，願足下過太子於宮！荆軻曰：『謹奉教！』田光曰：『光聞長者之行，不使人疑之，今太子約光曰：「所言者，國之大事也，願先生勿泄也。」是太子疑光也，夫爲行使人疑之，非節俠士也。』欲自殺以激荆軻，○曰：『願足下急過太子，言光已死，明不言也。』遂自剄而死。

○儂行致敬貌。

○不自外言不自疏於軻。

○欲厲勉軻使必死也。

軻見太子，言田光已死，明不言也，太子再拜而跪，膝（下）行流涕，有頃而後言曰：『丹所請田先生無言者，欲以成大事之謀，今田先生以死明不泄言，豈丹之心哉！』荆軻坐定，太子避席頓首曰：『田先生不知丹不肖，使得至前，願有所道，此天所以哀燕，不棄其孤也。』○今秦有貪饕之心，而欲不可足也，非盡天下之地，臣海內之王者，其意不饜，今秦已虜韓王，盡納其地，○又舉兵南伐楚，北臨趙，王翦○將數十萬之衆，臨漳鄴，○而李信出太原雲中，○趙不能支秦，必入臣，入臣，則禍至燕，燕小弱，數困於兵，○今計舉國不足以當秦，諸侯服秦，莫敢合從。

丹之私計，愚以爲誠得天下之勇士使於秦，窺以重利，<sup>④</sup>秦王貪其贄，必得所願矣。<sup>⑤</sup>誠得劫秦王，使悉反諸侯之侵地，若曹沫之與齊桓公，<sup>⑥</sup>則大善矣；則不可，因而刺殺之，彼大將擅兵於外，而內有大亂，則君臣相疑，以其間諸侯，諸侯得合從，其償破秦必矣。<sup>⑦</sup>此丹之上願，而不知所以委命，<sup>⑧</sup>唯荆卿留意焉！』久之，荆軻曰：『此國之大事，臣駑下，恐不足任使。』太子前頓首，固請無讓，然後許諾。於是尊荆軻爲上卿，舍上舍，太子日日造問，供太牢異物，間進車騎美女，恣荆軻所欲，以順適其意。

① 孤，孤立之意。

② 秦始皇十七年，滅韓，虜王安。

③ 王翦，頻陽東鄉人，少好兵，爲秦將。

④ 漳，見趙

策蘇秦從燕之趙始合從章註。鄴故城在今河南臨漳縣西。

⑤ 李信，秦將。太原趙地，故城在今山西

太原縣北。雲中見趙策蘇秦從燕之趙始合從章註。

⑥ 數，入聲，頻數也。

⑦ 謂示之以利，使之見而

欲也。

⑧ 言得親近秦王以逞所欲爲。

⑨ 曹沫與齊桓事，見齊策孟嘗君有舍人章註。

⑩ 償，取償。

秦數破諸侯，故云償破秦。

⑪ 委命，委棄性命，猶言不知死所。

久之，荆卿未有行意，秦將王翦破趙，虜趙王，盡收其地，○進兵北略地，至燕南界。太子丹恐懼，乃請荆卿曰：『秦兵日暮渡易水，則雖欲長侍足下，豈可得哉！』荆卿曰：『微太子言，臣願得謁之，今行而無信，則秦未可親也，夫今樊將軍、秦王購之金千斤，邑萬家，誠能得樊將軍首，與燕督亢之地圖獻秦王，○秦王必說見臣，臣乃得有以報太子。』太子曰：『樊將軍以窮困來歸丹，丹不忍以己之私而傷長者之意，願足下更慮之！』荆軻知太子不忍，乃遂私見樊於期曰：『秦之遇將軍，可謂深矣，父母宗族皆爲戮沒，今聞購將軍之首，金千斤，邑萬家，將奈何？』樊將軍仰天太息流涕曰：『吾每念常痛於骨髓，顧計不知所出耳！』軻曰：『今有一言，可以解燕國之患，而報將軍之仇者何如？』樊於期乃前曰：『爲之奈何？』荆軻曰：『願得將軍之首以獻秦，秦王必喜而善見臣，○臣左手把其袖，而右手攬抗其胷，○然則將軍之仇報，而燕國見陵之恥除矣，將軍豈有意乎？』樊於期偏袒扼腕而進曰：『此臣日夜切齒拊心也，乃今得聞教！』遂自刎。太子聞之，馳往。

伏屍而哭，極哀；既已無可柰何，乃遂收盛樊於期之首，函封之。

○始皇十九年，破趙，虜趙王遷。○督亢，燕膏腴地，今河北涿縣東南有督亢陂。

○善見，以好意見

也。

④搃音砧（出），刺也。抗拒也。一本無抗字。

於是太子預求天下之利匕首，得趙人徐夫人之匕首，○取之百金，使工以藥淬之，○以試人，血濡縷，○人無不立死者，乃爲裝遣荆軻。燕國有勇士秦武陽，<sup>④</sup>年十二殺人，<sup>⑤</sup>人不敢與忤視，乃令秦武陽爲副。荆軻有所待，欲與俱，其人居遠未來，而爲留待，頃之未發，太子遲之，疑其有改悔，乃復請之曰：『日以盡矣，荆鄉豈無意哉！丹請先遣秦武陽！』荆軻怒，叱太子曰：『今日往而不反者，豎子也！今提一匕首，入不測之強秦，僕所以留者，待吾客與俱，今太子遲之，請辭決矣！』遂發。太子及賓客知其事者，皆白衣冠以送之。○至易水上，既祖，○取道，○高漸離擊筑，<sup>⑥</sup>荆軻和而歌，爲變徵之聲，<sup>⑦</sup>士皆垂淚涕泣；又前而爲歌，<sup>⑧</sup>曰：『風蕭蕭兮，易水寒，壯士一去兮，不復還！』復爲忼慨羽聲，<sup>⑨</sup>士皆曠目，<sup>⑩</sup>髮盡上指冠。

於是荆軻遂就車而去，終已不顧。

○徐姓，夫人名，男子也。○淬，音催（ㄅㄨㄢˋ），鍛鍊以水滅火也。言以毒藥染鐔而淬之。○見血

僅如一縷也。○秦武陽，燕勇士。○言在其十二歲時殺人；二，一作三。○太子等著喪服送之，所

以堅其意。○祖，祭道路之神也。○取道者，上路而行也。○高漸離，軻友，隱於屠狗者，筑似琴而

大，頭安絃，以竹擊之，故名。○變徵爲商，蓋悲音。○時且行且擊且歌，故又前。○忼慨，壯士不得

志也。羽聲，聲之壯者。先以世無知己而悲，復念有以自見，故壯。○士，指送行賓客，及路上有心人，上

同。

既至秦，持千金之資幣物，厚遺秦王寵臣中庶子蒙嘉。○嘉爲先言於秦王曰：『燕王誠振畏慕大王之威，○不敢興兵以拒大王，○願舉國爲內臣，比諸侯之列，給貢職如郡縣，而得奉守先王之宗廟，恐懼不敢自陳，謹斬樊於期頭，及獻燕之督亢之地圖，函封，燕王拜送于庭，使使以聞大王，唯大王命之！』秦王聞之，大喜，乃朝服設九賓，○見燕使者咸陽宮。○荆軻奉樊於期頭函，而秦武陽奉地

圖匣，以次進至陛下，秦武陽色變振恐，羣臣怪之，荆軻顧笑武陽，前爲謝曰：『北蠻夷之鄙人，未嘗見天子，故振懼。』願大王少假借之，使畢使於前！秦王謂軻曰：『起取武陽所持圖。』軻既取圖奉之，發圖，圖窮而匕首見，因左手把秦王之袖，而右手持匕首搤抗之。未至身，秦王驚，自引而起，絕袖拔劍，劍長，操其室。④一時「怨」恐急，劍堅，故不可立拔。荆軻逐秦王，秦王還柱而走，⑤羣臣驚愕，卒起不意，⑥盡失其度；而秦法，羣臣侍殿上者，不得持尺兵，諸郎中執兵皆陳殿下，⑦非有詔不得上，方急時，不及召下兵，以故荆軻逐秦王，而卒惶急無以擊軻，而乃以手共搏之。是時侍醫夏無且以其所奉藥囊提軻，⑧秦王之方還柱走，卒惶急不知所爲，左右乃曰：『王負劍！』⑨王負劍，遂拔以擊荆軻，斷其左股，荆軻廢，乃引其匕首提秦王，不中，中柱，秦王復擊軻，被八創。軻自知事不就，倚柱而笑，箕踞以罵。⑩曰：『事所以不成者，乃欲以生劫之，必得約契以報太子也！』⑪左右既前斬荆軻，秦王目眩良久。而論功賞羣臣及當坐者，⑫各有差，而賜夏無且黃金

二百鎰曰：『無且愛我，乃以藥囊提軻也。』

①中庶子秦官名。蒙嘉或云蒙恬之弟。

②振同震，下同。

③拒大王，一作逆軍吏。

④九賓周禮大

小行人『以九儀掌賓客之禮。』一說，賓者九人也，爲迎客之盛禮。

⑤咸陽在今陝西長安縣東。孝

公都咸陽，今渭城是，山南水北曰陽，其地在渭水之北，九峻諸山之南，故曰咸陽，自始皇至胡亥皆都

此。咸陽宮咸陽之宮也。

⑥振懼恐懼也。

⑦操把持也。室劍鞘也。

⑧還環也。

⑨卒同猝；下同。

⑩郎中宿衛之官。

⑪提擲也。

⑫負劍推在背後，俯而拔之，易於施力也。時無且方提囊，軻不得前，

故有暇負劍。

⑬箕踞踞坐若箕也。

⑭約契復侵地之信文也。

⑮謂罪所當坐者。

於是秦大怒燕，益發兵詣趙，詔王翦軍以伐燕，十月而拔燕薊城。燕王喜

太子丹等皆率其精兵東保於遼東。秦將李信追擊燕王，王急用代王嘉計，殺

太子丹，欲獻之秦。秦復進兵攻之，五歲而卒滅燕國，而虜燕王喜。秦兼天下。

①薊城即薊丘，見前章註。秦破燕，在始皇二十一年，燕王喜二十九年。

②遼東見蘇秦將爲從北說

燕章註。

③代王嘉趙公子嘉於趙亡後率其宗數百人之代，自立爲代王。代王嘉勸喜殺丹獻秦以

緩其師。④秦滅燕，在始皇二十五年，燕王喜三十三年。

死。  
其後荆軻客高漸離以擊筑見秦皇帝，而以筑擊秦皇帝，爲燕報仇，不中而

宋

宋，子姓，公爵，般紂庶兄微子啓之封國，都商丘，卽今河南商丘縣，傳至王偃，於周赧王二十九年，爲齊閔王所滅。

公輸般爲楚設機章

公輸般爲楚設機，○將以攻宋，墨子聞之，○百舍重繭，○往見公輸般，謂之曰：『吾自宋聞子，吾欲藉子殺王。』④公輸般曰：『吾義固不殺王。』墨子曰：『聞公爲雲梯，⑤將以攻宋，宋何罪之有？⑥義不殺王而攻國，是不殺少而殺衆，敢問攻宋何義也？』公輸般服焉，請見之王。

○公輸般魯之巧人，卽魯班機雲梯之屬也。

○墨子宋人名，翟，倡兼愛之說，與儒家並稱，所著書曰

墨子。

③百舍百里一舍也。重繭累臑也，言足臑如繭。

④墨子欲存宋，反言殺王以探公輸般之意

也。王謂宋景公。

⑤梯高而上至於雲，故曰雲梯。

⑥楚欲廣土而攻宋，宋非有罪，故云宋何罪之有。

墨子見楚王曰：『今有人於此，舍其文軒，○鄰有弊輿而欲竊之，舍其錦繡，鄰有短褐而欲竊之，○舍其梁肉，鄰有糟糠而欲竊之，此爲何若人也？』王曰：『必爲有竊疾矣。』墨子曰：『荆之地方五千里，宋方五百里，此猶文軒之與弊輿也，荆有雲夢，④犀兕麋鹿盈之，江漢魚鼈黿鼉，爲天下饒，宋所謂無雉兔鮒魚者也，此猶梁肉之與糟糠也，荆有長松文梓楸枿豫樟，宋無長木，此猶錦繡之與短褐也，惡以王吏之攻宋爲與此同類也？』王曰：『善哉，請無攻宋！』

○文軒，△△文錯之車也。

○短，△△一作短，短褐，粗服也，漢書注短，謂僮豎所著布長襦也。褐，毛布之衣也。

③言名此爲何等人也。

④雲夢，見楚策江乙說於安陵君章註。

### 宋康王之時章

宋康王之時，○有雀生鱖於城之陬，○使史占之曰：『小而生巨，必霸天下。』  
○康王大喜，於是滅滕伐薛，④取淮北之地，乃愈自信，欲霸之亟成，⑤故射天笞

地，斬社稷而焚滅之，曰：『威服天下鬼神。』罵國老諫（曰）臣，爲無顏之冠以示勇。⊗剖僵之背，鏗朝涉之脛。⊕而國人大駭。齊聞而伐之，民散，城不守。⊗王乃逃倪侯之館，遂得而死。⊕見祥而不爲，⊕祥反爲禍。

⊖宋康王名偃，辟公之子，攻其兄剔成自立爲王，無道，諸侯皆曰桀宋。⊖臙音其（く一）小雁也。

陬隅也。⊖康王無道，不敢正對，故云必霸天下。⊖滕國名，在今山東滕縣西南。薛國名，在今山東

滕縣南。⊕亟成速成也。⊕冠不覆額也。⊕鏗音挈（く一）刻也，斷絕也。⊕齊閔王與魏

楚伐宋，殺偃，三分其地，時周赧王二十九年，宋康王四十七年。⊕遂得而死，謂爲齊所得而死也。

⊕見祥而不爲，或謂當作見祥而爲不可，爲不可，爲不善也，可與禍爲韻，今本爲不二字誤倒，又脫去可字。

衛

衛，姬姓，侯爵，周武王弟康叔之封國，都朝歌，在今河南淇縣北，後遷楚丘，今河南滑縣，又遷帝丘，今河北濮陽縣，傳至君角，於秦二世元年廢爲庶人。

智伯欲伐衛章

智伯欲伐衛，○遺衛君野馬四百，○白璧一，衛君大悅。羣臣皆賀，南文子有憂色，○衛君曰：『大國大權，○而子有憂色何？』文子曰：『無功之賞，無力之禮，不可不察也。野馬四百，璧一，此小國之禮也，而大國致之，君其圖之！』衛君以其言告邊境。智伯果起兵而襲衛，至境而反，曰：『衛有賢人，先知吾謀也。』

○智伯，即荀瑤。

○衛君衛悼公也。野馬，駒駝也。

○南文子，衛之賢者。

○大國舉國也。

智伯欲襲衛章

智伯欲襲衛，乃佯亡其太子，使奔衛。南文子曰：『太子顏爲君子也，○甚愛而有寵，非有大罪而亡，必有故。』使人迎之於境，曰：『車過五乘，慎勿納也！』智伯聞之，乃止。○

○顏，太子名。君子，君之子。言太子顏之爲智伯之子也。○言其欲圖衛也。○止太子顏不行也。

# 中山

中山，姬姓，春秋鮮虞地，今河北定縣。戰國時，中山武公居顧，桓公居靈壽，周威烈王十八年，魏文侯滅中山武公，赧王二十年，趙武靈王又滅中山桓公。

## 中山君饗都士大夫章

中山君饗都士大夫，○司馬子期在焉，○羊羹不遍，○司馬子期怒而走於楚，說楚王伐中山。中山君亡，有二人挈戈而隨其後者，中山君顧謂二人：『子奚爲者也？』二人對曰：『臣有父嘗餓且死，君下壺飡餌之，臣父且死，曰：「中山有事，汝必死之！」故來死君也。』中山君喟然而仰，歎曰：『與不期衆少，其於當厄，怨不期深淺，其於傷心。』⑤吾以一椀羊羹亡國，以一壺飡得士二人！

○都士大夫都邑之士大夫也。

○司馬子期中山人。

○不遍，不及子期也。

④言施與當於其厄，

不在多少也。

⑤言怨莫大於傷人之心，不在深淺也。

# 戰國大事表

紀年		各國大事附記	
周	七	各國大事附記	各
元王仁 (在位七年) 史記六國表作在位八年	秦厲共公元 楚惠王章元 燕獻公一七	史記六國表起於是年	
二		通鑑綱目載趙襄子滅代事於此年	
四		越滅吳	
貞定王介元 (在位二八年)		通鑑綱目載此事於前一年	
五	燕孝公元		
一一		智伯瑤與趙魏共滅范中行氏	
一二		趙襄子滅代	通鑑綱目以此爲元王二一年事
一六		趙襄子韓康子魏桓子敗智伯於晉陽三分其地	

一九	燕成公載元	
二二		楚滅蔡
二四		楚滅杞
二五		秦伐義渠虜其王
二七	秦躁公元	
考王嵬 (在位一五年) 元		
八	燕湣公元	
一〇	楚簡王中元	楚滅莒
一三	秦懷公元	
威烈王午 (在位二四年) 元		趙襄子魏桓子韓康子俱卒
二	秦靈公元 魏文侯斯元 (文侯一作 名都) 韓武子啓章元 趙桓子元	

<p>三 趙獻侯浣 元</p>		
<p>八</p>	<p>越滅郟</p>	
<p>一二 秦簡公 元</p>		
<p>一八 韓景侯虔 趙烈侯籍 楚聲王當 元元元</p>	<p>魏文侯取中山</p>	
<p>二三</p>	<p>魏韓趙始列爲諸侯</p>	<p>資治通鑑起於是年通鑑綱目於此下分注七國紀年</p>
<p>二四 燕釐公 元</p>		
<p>安王驕 (在位二六年) 元</p>		
<p>三 秦惠公 韓列侯取 趙武公 元元元</p>		
<p>五</p>	<p>聶政刺殺韓相韓傀</p>	<p>史記作韓相俠累參看烈王五年</p>
<p>一六 秦出公 魏武侯擊 韓文侯 趙敬侯章 元元元元</p>	<p>田常曾孫和始列爲諸侯是爲田齊 遷齊康公於海上</p>	

一八	秦獻公師隔元 齊桓公午元	楚悼舉吳起為相	通鑑綱目載此事於一五年
二一		楚悼王薨宗室大臣殺吳起	
二二	楚肅王臧元		
二三		齊康公卒田氏并齊太公望之祀絕	
二四	齊威王因齊元	自田常至齊威王威王始以齊強天下	
二六	韓哀侯元	魏韓趙滅晉分晉國	
元		韓滅鄭	
二	趙成侯種元		
四	燕桓公元		
五		韓嚴弑韓哀侯	史記以盜刺殺韓相俠累韓嚴弑哀侯為二事通鑑從之戰國策合二事為一
六	魏惠王罃元 韓懿侯元		魏惠王即梁惠王
七	楚宣王良夫元		

烈王喜  
(在位七年)

顯王局  
(在位四八年) 元

七

秦與魏戰於少梁虜魏太子

八

秦孝公渠梁元  
燕文公元

衛鞅入秦

一一

韓昭侯元

一三

魏惠王稱王魯衛宋鄭朝魏

一五

魏伐趙圍邯鄲趙告急於齊

一六

齊用孫臏策攻魏以救趙

一七

齊威王稱王

一九

秦廢井田并都邑爲縣

二〇

趙肅侯語元

二七

齊宣王辟疆元

二八

齊敗魏於馬陵虜太子申殺龐涓

此從史記六國表通鑑齊宣王元年視此下移十年

二九		秦封衛鞅為商君 秦伐魏魏遷都 大梁獻河西地於秦	
三〇	楚威王熊商元		
三一		秦孝公薨惠文王車裂商鞅	
三二	秦惠文王駟元		
三三		孟軻至魏	
三四		秦陷韓宜陽	
三五	魏襄王嗣元	蘇秦以合從說燕文公文公資秦車 馬以之趙 楚滅越	
三六		蘇秦說齊楚韓魏合從拒秦以蘇秦 為從約長	
三七	韓宣惠王元	秦欺齊魏伐趙蘇秦去趙適燕從約	
三八	燕易王元	解	年
四〇		宋公弟偃逐其君剔成而自立	
四一	楚懷王槐元	秦以張儀為相	
四四	趙武靈王雍元	秦惠文王稱王	

四五	齊閔王地 （閔王一作 名遂）	燕易王稱王 蘇秦自燕奔齊	
四六	韓燕始稱王 昭陽爲楚伐魏	此從史記六國表通鑑齊 閔王元年視此下移十年	
四七	秦張儀免相出相魏 六國皆稱王 趙獨不稱	通鑑以張儀相魏在前一 年	
四八	齊封田嬰於薛號孟嘗君		
慎靚王定 （在位六年） 元	燕王噲 元 衛貶號曰君		
二	孟軻適齊		
三	魏哀王 元	宋君偃自立爲王 魏韓趙楚燕五 國共擊秦不勝而還	
四	齊殺蘇秦 魏請成於秦張儀復相 秦 秦韓戰於濁澤		
五	秦滅蜀 燕王噲讓國於其相子之		
報王延 （在位五九年） 元	齊伐燕取之王噲及子之皆死 秦 敗韓於岸門		
二	孟軻去齊	通鑑以此年爲齊閔王元 年	
三	燕人立公子平爲王		

四	韓襄王倉元 燕昭王平元	秦使張儀說楚韓齊趙燕各國連橫 秦惠王卒諸侯復合從
五	秦武王蕩元	張儀復出相魏
六	張儀死於魏 甘茂爲丞相	秦初置丞相樗里子
八	趙武靈王變胡服以伐胡 伐韓宜陽	秦甘茂
九	秦昭襄王稷元 (昭襄王一作名則)	
一〇		秦魏冉定內亂封穰侯
一二		秦韓魏攻楚楚使太子橫質於秦秦救之
一五		秦魏冉爲相 楚圍韓雍氏
一六		楚懷王朝秦被留楚人立太子橫 齊與韓魏攻秦 趙武靈王傳位於少子何 秦以齊田文爲丞相
一七	趙惠文王何元 楚頃襄王橫元	趙以公子勝封平原君 齊田文自秦逃歸相齊
一九		楚懷王卒於秦歸葬

二〇 魏昭王遷  
韓釐王咎 元 趙齊燕共滅中山 趙李兌圍武靈  
王弒之

一一 秦白起攻韓魏兵於伊闕進攻西周

一二 秦魏冉免相

二七 秦稱西帝遣使立齊王爲東帝已而皆去之

二九 宋王偃無道齊閔王滅之

三一 燕樂毅以秦與韓魏趙之師擊齊破之燕獨入臨淄齊閔王走莒其相淖齒弒之

三二 齊襄王法章元 齊人討殺淖齒立閔王之子法章

三三 秦取趙藺離石祁

三四 秦魏冉復爲丞相

三六 燕昭王薨樂毅奔趙 齊田單敗燕 殺燕將騎劫 秦白起擊楚拔郢燒夷陵頃襄王走陳

三七 燕惠王 元

白起擊楚事通鑑在此年

三八	燕孝王 元	秦圍趙邯鄲魏公子無忌救之大敗秦師 秦白起自殺
五五		秦白起破趙於長平
五三	楚考烈王熊元 元(考烈王 一作名完)	楚黃歇爲相封春申君
五一	齊王建 元	
五〇	趙孝成王丹元	秦攻趙趙求救於齊 魏與秦攻韓
四九		范雎相秦封應侯 秦廢太后逐穰侯出高陵君走涇陽君
四五		趙奢敗秦軍於閼與 秦以范雎爲客卿
四四	燕武成王 元	
四三	韓桓惠王 元	
四二		秦白起擊魏華陽芒卯走魏與秦南陽以和
四〇		秦魏冉伐魏圍大梁
三九	魏安釐王圉元	魏封公子無忌爲信陵君

五九	秦昭襄王 五二	周赧王入秦秦獻其地周亡	
五三	燕王喜 元	秦取西周 秦應侯罷相蔡澤代之	
五六	秦孝文王柱 元	趙平原君卒 燕伐趙趙破燕軍殺栗腹	
元	秦莊襄王楚 元	楚滅魯魯頃公遷下邑為家人祀絕秦滅東周以呂不韋為丞相	
三	秦始皇政 元	秦伐魏信陵君率五國師敗秦師於河外	
三	趙悼襄王偃 元		信陵君卒年一作在前一年
四	魏景湣王增元 (景湣王一 作名午)	魏信陵君卒	
五			
六		五國合從攻秦春申君為從約長不克	



九	韓王安 元	楚李園殺春申君 秦嫪毐作亂被 誅遷太后於雍
一〇	楚幽王悍 元	秦呂不韋免相
一二	趙王遷 元	
一五		秦拔趙狼孟番吾軍鄴 燕太子丹 質於秦亡歸
一七		秦內史勝擊韓虜王安滅之
一九		秦王翦拔趙虜趙王遷入邯鄲公子 嘉自立爲代王 楚幽王卒弟猶立 爲哀王三月負芻殺哀王
二〇	代王嘉 魏王假 元元元 楚王負芻	燕太子丹使荆軻刺秦王荆軻死之 秦伐燕
二二		秦王賁擊魏虜魏王假盡取其地
二三		秦王翦破楚軍殺楚將項燕
二四		秦王翦虜楚王負芻滅楚
二五		秦王賁擊燕虜燕王喜滅燕 秦虜 代王嘉滅趙
二六		秦王賁擊齊虜齊王建初併天下爲 皇帝



編主五雲王

庫文有萬

種千一集一第

策國戰

註選餘勵臧

路山寶海上  
館書印務商

者刷印兼行發

埠各及海上  
館書印務商

所行發

版初月四年九十國民華中

究必印翻權作著有書此

The Complete Library

Edited by

Y. W. WONG

SELECTIONS FROM HISTORY OF THE  
WARING STATES

with Introduction and Notes by

TSANG LI HUO

THE COMMERCIAL PRESS, LTD.

Shanghai, China

1930

All Rights Reserved



師範大學圖書館



B10002309